

四庫全書

史部

欽定四庫全書

御批資治通鑑綱目卷十二下

甲子中平元年春二月黃巾賊張角等起

初鉅鹿張角事黃老以妖術教授號太平道自稱大賢良師呪符水以療病令病者跪拜首過遣弟子遊四方轉相誑誘十餘年間徒衆數十萬自青徐幽冀荆揚兗豫莫不畢應填塞道路郡縣反言角以善道教化為民所歸楊賜上言宜敕州郡簡別流民護歸本郡以孤弱其黨然後誅其渠帥可不勞而定事留中司徒掾劉陶復上疏申賜前議帝殊不為意方詔陶次第春秋條例角遂置三十六方方猶將軍也大方萬餘人小方六七千各立渠帥訛言歲在甲子天下大吉以白土書京城寺門及州郡官府皆作甲子

字大方馬元義等先收荆揚數萬人以中常侍封諤  
徐奉等為內應約以三月五日內外俱起至是角弟  
子唐周告之於是收元義車裂詔三公司隸案驗宮  
省直衛及百姓事角道者誅殺千餘人下冀州逐捕  
角等知事已露馳救諸方一時俱起皆著黃巾為識  
角自稱天公將軍弟寶稱地公將軍梁稱人公將軍  
所在燔劫長吏逃亡  
**集覽** 鉅鹿故邢侯國今為順德  
旬月之間天下響應  
**集覽** 鉅鹿故邢侯國今為順德  
禮謂有才  
**質實** 鉅鹿郡名注見楚義帝元年襄國渠  
智之稱也  
**質實** 鉅鹿郡名注見楚義帝元年襄國渠  
人 穎陰

三月以何進為大將軍屯都亭考異

此亦當書后兄何進與梁冀同

**集**

覽

都亭地名近畿內

○赦黨人遣中郎將盧植討張角皇甫嵩

# 朱儁討潁川黃巾

帝召群臣會議北地太守皇甫嵩以為宜解黨禁益出中藏錢西園廐馬以班軍士呂強曰黨錮久積人情怨憤若不赦宥與角合謀為變滋大請先誅左右貪濁大赦黨人料簡牧守能否則盜無不平矣帝懼而從之發天下精兵遣中郎將盧植討張角皇甫嵩朱儁討潁川黃巾嵩規之凡子也

秦地漢獻帝徙都之改  
名許昌料簡料度簡選  
質實潁川郡名注見秦二世  
三年皇甫嵩安定朝那  
人規兄  
之子

## 殺中常侍呂強侍中向栩郎中張鈞

時趙忠張讓等貴寵上常言張常侍是我父趙常侍是我母由是宦官無所憚第宅擬宮室上嘗欲登永



安侯臺宦官恐望見其居處乃使人諫曰天子不當登高登高則百姓虛散上自是不敢復升臺榭及諸奉事發上詰責諸常侍曰汝曹常言黨人欲為不軌皆令禁錮今黨人更為國用汝曹反與角通為可斬未皆叩頭求退徵還宗親在州郡者已而更共譖呂強云與黨人共議朝廷數譖霍光傳帝使中黃門持兵召強強怒曰大夫欲盡忠國家豈能對獄吏乎遂自殺侍中向栩譏刺左右讓誣栩與角為內應殺之郎中張鈞上書曰張角所以能興兵作亂萬民所以樂附之者其源皆由十常侍宗親賓客典據州郡辜權財利侵掠百姓百姓冤無所訴故聚為盜賊宜斬十常侍縣頭南郊以謝百姓遣使者布告天下可不湏師旅而大寇自消帝以鈞章示諸常侍皆免冠徒跣頓首乞自致雒陽詔獄並出家財以助軍費有詔皆冠履視事如故帝怒鈞曰此真狂子也十常侍固當有一人善者不御史遂誣奏鈞學黃巾道收掠死

獄中集覽霍光傳廢昌邑王事棚火許反說文杼也其實卑可染辜權注見桓帝延熹三年不音浮

上聲疑  
辭也  
質實向朝朝歌人

書法

三人皆宦者所疾者也故以無罪書殺然則中常侍而先朝士可乎以中常侍而能諫則

尤賢者也是故苟私也則朝士序宦官之上而為譏鄧康苟賢也則朝士序宦官之下而非辱強雖自殺書殺綱目勸戒之意深矣

發明

侯覽之死則書有罪王甫之死則書伏誅又皆揭宦者書之至呂強則書殺書中常侍豈

綱目獨私於強哉蓋涇渭並流而清濁自分此春秋褒善貶惡之意也若槩以宦者而不分善否則失春秋之意矣

夏四月太尉楊賜免

帝問賜以黃巾事賜所對切直帝不悅坐寇賊免

汝南太守趙謙討黃巾敗績質實

汝南郡名注見光武建武十九年

謙擊黃巾軍敗門下袁祐功曹封觀等七人以身扞刃皆死謙以得免

集覽

扞蔽也

五月皇甫嵩朱儁與騎都尉曹操合軍討三郡黃巾破平之

朱儁與賊波才戰敗賊遂圍皇甫嵩於長社依草結營會大風嵩敕軍士皆束苣乘城使銳士間出圍外縱火大呼城上舉燎應之嵩從城中鼓譟而出犇擊賊陳賊驚亂奔走會騎都尉沛國曹操將兵適至合

軍與戰大破之斬首數萬遂討汝南陳國黃巾皆破  
之三郡悉平操父嵩為中常侍曹騰養子不能審其  
生出本末或云夏侯氏子也操少機警有權數而任  
俠放蕩不治行業時人未之奇也唯橋玄及南陽何  
顯異焉玄謂操曰天下將亂非命世之才不能濟也  
能安之者其在君乎顯見操歎曰漢家將亡安天下  
者必是人也時汝南許劭與從兄靖有高名好共覈  
論鄉黨人物每月輒更其題品故汝南俗有月旦評  
焉嘗為郡功曹府中莫不改操飾行操往造劭而問  
之曰我何如人劭鄙之不答操刼之劭曰子治世之  
能臣亂世之姦雄操喜而去後舉孝廉為郎至是平  
賊遷濟南相奏免長吏阿附贓汙者八人○朱雋護  
軍司馬傅燮上疏曰臣聞天下之禍不由於外皆興  
於內是故虞舜先除四凶然後用十六相明惡人不  
去則善人無由進也今張角起趙魏黃巾亂六州此  
皆釁發薪牆而禍延四海者也臣奉辭伐罪戰無不

克黃巾雖盛不足為廟堂憂也臣之所懼在於治水不自其源末流彌增其廣誠使張角梟夷黃巾變服臣之所憂甫益深耳何者夫邪正不宜共國亦猶冰炭不可同器彼知正人之功顯而危亡之兆見皆將巧辭飾說共長虛偽若不詳察忠臣將復有杜郵之戮矣陛下宜思四罪之舉速行讒佞之誅則善人思進姦凶自息趙忠惡之變功當當封忠諧之帝猶識焚言不之罪然亦竟不封也

**集覽**

長社地名在許

州莒音巨說文束葦燒也今文作炬機警有機關而警省權數權謀術數顯魚容反月旦評汝南許劭與兄靖好共覈論鄉黨人物每月輒更其品題故汝南俗有月旦評稱焉儁音俊與俊通熒即節反四凶共工驩堯鯀三苗十六相舜舉十六相禹稷契皋陶伯益伯夷義仲義叔和仲和叔夔龍朱虎熊羆鸞許勿反說文血祭也又

**質實**

長社縣名注見光武建武八年沛國注見成帝河平二年

陳國注見周赧王三十六年陳曹騰沛國譙人  
傳熒靈州人杜邨之殺事見周赧王五十八年

交趾吏民作亂以賈琮為刺史平之考異

平字上漏討字

交趾多珍貨前後刺史多無清行故吏民怨叛執刺  
史及合浦太守三府選賈琮為刺史琮到部遺書告  
示各使安其資業招撫荒散蠲復徭役誅斬渠帥簡  
選良吏歲間蕩定百姓以安為之歌曰賈父來晚使  
我先反今見清  
平吏不敢飯  
質實  
賈琮東郡  
聊城人

盧植圍張角於廣宗檻車徵還遣中郎將董卓代之

植連破張角斬獲萬餘角走廣宗植築圍鑿塹垂當  
拔之帝遣小黄門左豐視軍求賂不得還言於帝曰  
廣宗賊易破耳盧中郎固壘息軍以待天  
誅帝怒檻車徵植還城死一等遣卓代之  
質實  
志云

廣宗東漢之縣名屬鉅鹿郡即漢之堂陽縣地晉屬安平國後魏屬清河郡隋改為宗城縣唐於此置宗州州廢以縣屬貝州後復改為廣宗縣屬魏州宋屬大名府金復改宗城縣屬洺州元復為廣宗縣後省入平鄉縣尋復置屬順德府路國朝因之改屬順德府

書法

圍書徵還病漢也書檻車甚病之

秋七月巴郡張脩反質實

巴郡注見文帝後元二年

脩以妖術為人療病其法畧與張角同令病家出五斗米號五斗米師聚眾寇郡縣時人謂之米賊

八月遣皇甫嵩討張角角死冬十月與角弟梁寶戰皆

破斬之以嵩為車騎將軍領冀州牧考異

斬當作擊

董卓以無功抵罪乃詔遣嵩時角已死嵩與其弟梁戰梁衆精勇嵩不能克乃閉營休士伺賊小懈潛夜勒兵雞鳴馳赴其陳戰至晡時破之斬梁獲首三萬溺死五萬人剖角棺傳首京師復攻梁弟寶於下曲陽斬之斬獲十餘萬人嵩能溫卹士卒每軍行頓止湏營幔修立然後就舍軍士皆食爾乃嘗飯故所嚮

有功集覽

溫卹溫存憂卹也

質實

下曲陽縣名注見帝玄更始二年

# 先零羌及涼州羣盜北宮伯玉等反

北地先零羌及枹罕河關羣盜反共立湟中義從胡北宮伯玉為將軍金城人邊章韓遂素著名西州羣盜誘而劫之使專任軍政殺太守燒州郡初武威太守倚恃權貴恣行貪暴涼州從事蘇正和案致其罪刺史梁鵠懼欲殺正和以自解訪於漢陽長史蓋勲勲素與正和有仇或勸勲因此報之勲曰謀事殺良



非忠也。乘人之危，非仁也。乃諫鵠曰：「夫紕食鷹隼，欲其驚也；驚而亨之，將何用哉？」鵠乃止。正和詣勲求謝，勲不見，曰：「吾為使君謀，非為正和也。」怨之如初。後刺史左昌盜軍穀數十萬，勲諫之。昌怒，使與從事別屯阿陽，以拒賊。欲以軍事罪之，而勲戰輒有功。至是，羣盜圍昌於冀昌，召勲等自救。從事疑不肯赴，勲怒曰：「昔莊賈後期，穰苴奮劍，今之從事，豈重於古之監軍哉？」從事懼而從之。勲至，誚讓羣盜，乃解圍去。勲遂救校尉夏育於畜官，為羌所敗。勲餘眾不及百，人身被三創，堅坐不動。羌滇吾以身扞眾，曰：「蓋長史賢人，汝曹殺之，為負天。」勲仰罵之。滇吾下馬與集覽先零羌勲勲不肯上羣羌服其義，勇送還漢陽。

**集覽**

先零羌注見宣

帝元康四年，抱罕河西地名。今之河州有抱罕縣，殺良殺害忠良之士。紕食謂養鷹必羈紕而飼食之。驚音至。說文：擊殺鳥也。又訓擊也。猛也。亨音烹。古字亨烹通用。冀昌地名在冀州地。莊賈後期，穰苴奮劍。史

記司馬穰苴者田完之苗裔也晏嬰薦於齊景公召  
為將軍使莊賈監軍約出師後期軍法後期者斬遂  
斬莊賈以徇三軍軍士服栗乃進復正誤冀昌今按  
故地創音瘡訓傷也滇吾羌苗名

昌屬下文即刺史左昌也漢書地理志天水郡有冀  
縣明帝改天水為漢陽上文蓋勲即漢陽長史也

考異

北地郡名注見秦王政三年一統志云枹罕漢  
之縣名屬金城郡隋始置枹罕郡於此唐因之

宋省入寧河塞故城在河州衛軍民指揮使司治西  
湟中西羌地名注見宣帝元康四年義從胡注見章  
帝建初六年金城郡名注見光武建武十年武威郡  
名注同上年漢陽郡名注見建寧三年蓋勲燉煌廣  
至人阿陽縣名注見唐昭宣帝天祐  
二年冀縣名注見光武建武八年

朱儁擊南陽黃巾連破之考異

當書討不當書擊

南陽黃中餘黨更以趙弘為帥眾十餘萬據宛城朱  
儁圍之不拔有司奏徵儁司空張溫曰臨軍易將兵  
家所忌宜假日月責其成功帝乃止儁擊弘斬之賊  
帥韓忠復據宛拒儁儁鳴鼓攻其西南賊悉眾赴之  
儁自將精卒掩其東北乘城而入忠乃退保小城乞  
降諸將欲聽之儁曰兵固有形同而勢異者昔秦項  
之際民無定主故賞附以勸來耳今海內一統唯黃  
巾造逆納降無以勸善而更開逆意使賊利則進戰  
鉅則乞降縱敵長寇非良計也因急攻不克登山  
望之顛謂司馬張超曰吾知之矣賊今外圍周固內  
營逼急乞降不受欲出不得所以死戰也萬人一心  
猶不可當況十萬乎不如徹圍并兵入城忠見圍解  
勢必自出自出則意散易破之道也既而解圍忠果  
出戰儁因擊大破斬之餘眾復奉滌夏為帥屯宛儁  
急攻之司馬孫堅率眾先登拔城夏走儁追破  
之於是黃巾破散其餘州郡所誅一郡數千人

集覽

南陽在河南今南陽府是宛城注見周赧王十七年  
秦項之際秦始皇項羽之時賞附勸來附者賞之來  
者勸之徹圍質實南陽郡名注見秦二世三年張超  
鄭人孫堅富春人土山未詳出處  
徹去營塞  
唯汝寧府信陽縣南六  
里有士雅山未知是否

# 豫州刺史王允討黃巾破之徵下獄減死論

允破黃巾得張讓賓客書與黃巾交通上之帝責怒  
讓竟不能罪也讓由是以事中允下獄會赦還故官  
旬日間復以他罪捕楊賜不欲使更楚辱遣客謝之  
曰張讓凶惡難量幸為深計諸從事好氣決者共流  
涕奉藥而進之允厲聲曰吾為人臣獲罪於君當伏  
大辟以謝天下豈有乳藥求死乎投杯而起出就檻  
車既至廷尉大將軍進與楊賜覽楚辱筮楚耻辱也  
凶惡難量凶頑惡  
賜表隗共請之得減死論

慝不可測量好氣決者有豪氣而好果決者厲聲厲色高聲也大辟死罪乳藥乳上聲乳藥謂飲藥而死

質實

豫州注見光武建武十九年汝南郡王允太原祁人

書法

自建武十八年罷州牧置刺史至是百五十餘年書刺史者張喬李固尹耀朱穆夏方度

尚朱儁賈琮王允數人而已五年增置州牧而後牧與刺史不可勝書其以稱職書者鮮矣

丑乙  
二年春正月大疫

書法

綱目書疫十有五其書大者十一詳秦戊午年靈帝凡五書焉民可知矣而未聞救災之

政靈之為  
靈宜哉

二月南宮雲臺災

張讓趙忠說帝欽天下田畝十錢以脩宮室鑄銅人樂安太守陸康上疏諫曰昔魯宣稅畝而蠅災自生哀公增賦而孔門非之豈有聚奪民物以營無用之銅人捐捨聖戒自蹈亡王之法哉內倖譖康援引亡國以譬聖明大不敬檻車徵詣廷尉侍御史劉岱奏陳解釋得免歸田里康續之孫也又詔發州郡材木文石黃門常侍輒令譴呵不中者因強折賤買僅得本價十一復貨之中者亦不即受材木腐積宮室連年不成刺史太守復增私調百姓呼嗟又令西園騶分道督趣恐動州郡多受賕賂牧守茂材孝廉遷除皆責助軍脩宮錢當之官者皆先至西園詣價然後得去鉅鹿太守司馬直以有清名減責三百萬直悵然曰為民父母而反割剝百姓以稱時求吾不忍也辭疾不聽行至孟津上書極言吞藥自殺書奏帝為暫絕脩集覽

宮錢

災天火曰火人火曰災樂安郡名今棟

州是陸康陸續之孫魯宣稅畝而蠅災

自生春秋書魯宣公十五年初稅畝至冬螽生饑災  
異可見哀公增賦而孔門非之論語魯哀公問於有  
若曰年饑用不足如之何有若對曰盍徹乎公曰二  
吾猶不足如之何其徹也對曰百姓足君孰與不足  
百姓不足君孰與足本價十一十分之一分駟音鄒  
說文廐御也孟津郡名今孟州是注見帝玄更始二

年質實

南宮雲臺注見明帝永平三年一統志云樂  
安漢之郡名治陽信縣三國魏分置樂陵郡

晉為樂安國隋置棣州唐徙治樂陵縣天寶初改為  
樂安郡乾元初復為樂安州五代梁及宋皆因之元  
置濱棣路後改棣州至國朝改為武定州以厭次縣  
省入仍屬濟南府陸康吳郡人劉岱牟平人寵之弟

# 黑山賊褚燕降

自張角之亂所在盜賊並起博陵張牛角常山褚飛  
燕及黃龍左校于氐根張白騎劉石左髭丈八平漢

大計司隸緣城雷公浮雲白雀楊鳳于毒五鹿李大目白繞眭固苦蠅之徒不可勝數張牛角死令其衆奉飛燕為帥部衆寢廣殆至百萬號黑山賊河北竝被其害朝廷不能討燕乃遣使乞降遂拜燕平難中郎將使領河集覽黑山在順德路內丘縣之山谷博北諸山谷事集覽陵地名元為中山國改定州常山元名鎮州今改質實一統志云黑山在順德府沙河真定路是也質實縣西北四十里山石多黑故名博陵地名注見周威烈王二十三年中山常山郡名注見光武建武九年

### 三月以崔烈為司徒

時三公往往因常侍阿保入錢西園而得之段熲張溫等雖有功勤名譽然亦先輸貨財烈本冀州名士至是因傳毋入錢五百萬集覽類古迥反廣故得為司徒而聲譽頓衰集覽韻訓光也質實冀州



注見秦二世  
二年信都國

北宮伯玉等寇三輔遣皇甫嵩討之

時涼州兵亂不解徵發天下役賦無已崔烈以為宜棄涼州詔會公卿百官議之議郎傅燮厲言曰斬司徒天下乃安尚書劾之帝台問狀燮對曰涼州天下要衝國家藩衛今牧御失和使一州叛逆烈為宰相不思所以弭之之策乃欲割棄一方萬里之土若使左衽之虜得居此地士勁甲堅因以為亂此天下之憂也帝從之

集覽

弭母婢反說文弓無緣曰弭又訓止亂左衽夷狄之俗也

夏四月大雨雹○六月封宦者張讓等十三人為列侯

以討張  
角功也

書法

史曰以討張角功也破黃巾殺張角者盧植王允皇甫嵩也或檻車或下獄或收印綬而

讓等乃以功封漢之亡決矣

發明

盧植討破張角檻車召還王允討破黃巾下獄減死張讓不出國門其實客又與賊交通

乃反以討張角受封然綱目於此止以封宦者書之者所以不沒其實且無功之可書也夫有功者獲罪而無功者錫爵漢之刑賞如此雖欲不亡得乎

秋七月螟○八月罷皇甫嵩遣車騎將軍張溫代之

皇甫嵩之討張角也過鄴見趙忠舍宅踰制奏沒入之又張讓私求錢不與二人奏嵩無功費多徵還收印綬以司空張溫為車騎將軍討北質實鄴縣名注宮伯玉拜董卓為破虜將軍統於溫

永嘉六年

卷十二下

# 冬十月司空臨晉侯楊賜卒

初賜既免帝閔故事得賜與劉陶所上張角奏乃封賜臨晉侯陶中陵鄉侯至是復以賜為司空薨謚曰

文烈集覽

閱音越說文見數於門

質實

臨晉地名注見周赧王五年

書法

書官書爵書姓自鄧禹以來未有也於是宦官益橫諸賢得免如賜者鮮矣特書幸之也

# 殺諫議大夫劉陶前司徒陳耽

陶上疏陳八事大較言天下大亂皆由宦官宦官共譏陶收下黃門北寺獄閉氣而死耽為人忠正宦官怨之亦誣中集覽大較訖岳反增韻陷死獄中集覽大較猶言大略也

書法

成帝之世書下諫大夫劉輔獄為鬼薪論然未殺也書殺諫議大夫劉陶而漢之亡決矣

自古以來殺諫臣者未有不亡者也綱目東漢書諫議大夫三王良周舉劉陶自是無書者矣終綱

目諫官書殺四劉陶侯昌業五昭圖常濟

發明

漢室滅亡之徵至是無可言者矣然劉陶之死且揭諫議大夫書之者所以甚漢靈不君

之惡而為後世殺諫臣者之鑒也

張溫擊涼州賊邊章韓遂不利十一月將軍董卓破走

之考異

擊當作討質實涼州注見唐中宗景龍二年

張溫將兵十餘萬屯美陽與邊章韓遂戰輒不利十一月董卓等攻破之章遂走榆中溫遣周慎追之參

軍事孫堅說慎曰賊城中無穀當外轉糧食堅願得萬人斷其運道將軍以大兵繼後賊必困乏走入羌中并力追之則涼州可定也慎不從章遂反斷慎運道慎懼棄輜重而退溫又使董卓討羌卓糧絕乃於所度水中偽立堰以捕魚而潛從堰下過軍比賊追之決水已深不得度遂還屯扶風溫以詔書召卓良久乃至溫責讓之卓應對不順孫堅前耳謂溫曰卓不怖罪而鷓張大語宜以召不時至陳軍法斬之溫曰卓素著威名於河隴之間今日殺之西行無依堅曰明公親率王師威震天下何賴於卓卓輕上無禮一罪也沮軍疑衆二罪也受任無功應召稽留三罪也古之名將伏鉞臨衆未有不斷斬以成功者今明公垂意於卓不即加誅虧損**集覽**美陽馮翊郡名在咸陽於是在矣溫不忿發耀州美陽縣堰音偃韻會注壅水謂之堰耳謂附耳而與之語怖恐懼也鷓張言語妄大如鷓泉惡鳥之張大河隴河內隴

西沮也質實一統志云美陽漢之縣名屬右扶風三國魏省之故城在西安府武功縣西七里榆

中城名在臨洮府蘭縣西二百里東漢時羣羌居此扶風郡名注見周顯王八年岐縣

## 造萬金堂

帝造萬金堂於西園引司農金錢繒帛初積堂中復藏寄小黃門常侍家錢各數千萬又買田起第於河間集覽初積韻會初質實一統志云西園在洛陽縣

河間國名注見帝玄更始二年

書法

譏也綱目書作堂三漢萬金泰教武后天

丙寅三年春二月江夏兵趙慈反○遣使就拜張溫為太

尉

三公在外  
始於溫

以宦者趙忠為車騎將軍

帝使忠論討黃巾之功執金吾甄舉謂曰傳南容前  
在東軍有功不侯天下失望今將軍親當重任宜進  
賢理屈以副衆心忠遣弟延致殷勤於傳熒曰南容  
少答我常侍萬戶侯不足得也熒正色拒之曰遇不  
遇命也有功不論時也傳熒宜求私賞哉**集覽**甄之  
忠愈恨然憚其名不敢害出為漢陽太守**集覽**甄之  
姓也進賢理屈進賢實漢陽郡名注見建寧  
用賢人治理枉屈**質實**二年南容傳熒表字

脩南宮鑄銅人

帝使繕脩南宮玉堂鑄四銅人四鍾又鑄天祿蝦蟇  
轉水入宮又作翻車渴烏灑南北郊路以為可省百  
姓灑道集覽翻車激水而上轉動之罷渴  
之費烏受水之罷如烏之渴飲也

**書法**

秦鑄金人不書此何以書譏不知務也秦方

下而踵秦所為以是為不知務故書譏之終綱目  
書鑄六而書銅人者三詳後主建興十五年魏皆  
也譏也

夏五月晦日食○六月荊州刺史討趙慈斬之考異斬當

**作質實**

荊州注見獻帝建安十二年

○冬十月武陵蠻反郡兵討破

**之考異**

討當集覽

武陵今常德府有武陵縣也

**質實**

武陵郡名注見光武建武二十



四年○鮮卑寇幽并○徵張溫還

丁卯四年春二月滎陽盜起河南尹何苗討破之以苗為

車騎將軍質實

滎陽縣名注見秦莊襄王元年何苗宛人

苗進之弟也

韓遂圍隴西涼州殺刺史以應之遂圍漢陽太守傅燮與戰死之

韓遂殺邊章及北宮伯玉擁兵十餘萬進圍隴西涼州刺史耿鄙率兵討遂鄙任治中程球球通姦利士民怨之傳燮謂鄙曰使君統政日淺民未知教賊聞大軍將至必萬人一心不若息軍養德明賞必罰賊

謂我怯羣爭勢離然後率已教之民討成離之賊其功可坐而待也不從行至狄道別駕反應賊殺球及鄙賊遂進圍漢陽城中兵少糧盡煥子幹年十三言於煥曰國家昏亂遂令大人不容於朝今兵不足以自守宜還鄉里徐俟有道而輔之言未終煥慨然歎曰汝知吾必死邪聖達節次守節殷紂暴虐伯夷不食周粟而死吾遭世亂不能養浩然之志食人之祿又欲避其難乎吾行何之必死於此汝有才智勉之勉之主簿楊會吾之程嬰也狄道人王國使人說煥曰天下已非漢有府君寧有意為吾屬帥乎煥按劍叱之遂麾左右進兵臨陳戰歿謚曰壯節侯耿鄙司馬馬騰亦擁兵反與韓遂合共推王國為主寇掠三輔

### 集覽

漢陽郡名在蜀中今漢州聖達節次守節春秋曹宣公卒公子負芻殺其太子而自立是

為成公諸侯不義曹君將立子臧子臧曰前志有之曰聖達節次守節下失節為君非吾節也雖不能聖

敢失守乎遂逃奔宋注節猶分也聖達節言聖人達  
於天命無可不可如舜禹受禪湯武革命之類次守  
節謂賢者自守已分而不妄取如子臧季札之類下  
失節謂愚者不安已分取非其理後世篡弑之徒皆  
如此欲避其難乎春秋哀十五年衛孔悝遭蒯瞶之  
難時子路為孔氏邑宰將入子羔曰弗及不踐其難  
子路曰食馬不避其難服虔曰言食悝之祿必救悝  
之難程嬰春秋晉人景公時大夫屠岸賈誅滅世卿  
趙氏趙朔有遺腹子屠岸賈索之朔客公孫杵臼取  
他人嬰兒匿山中朔友程嬰謂諸將殺杵臼與孤  
兒其趙氏真孤乃反在程嬰卒與俱匿山中居十五  
年司馬韓厥言於景公復立趙後是為趙武即孤兒  
也遂攻岸賈滅之嬰曰昔下宮之難我非不能死欲  
存趙後今宜下報宣孟乃自殺武齊衰三年奉祀不  
絕

質實

隴西郡名注見秦王政三年涼州注見唐中  
宗景龍二年治中官名注見晉安帝隆安四

年狄道縣名注見高后六年別駕官名注見宋文帝元嘉二十八年漢陽郡名注見建寧二年主簿官名注見宋文帝元嘉九年司馬官名注見武帝元封二年馬騰扶風人大人按霍光傳子稱父曰大人三輔注見武帝征和元年

書法

殤帝之篇書張顯戰沒矣安帝之篇書鄭勤戰死蔡諷戰沒矣未有書與戰死之者熒書死之自劉快以來百七十九年未有也自殤帝至是書太守二十非以能破羌書則以能平盜書其盛者以死節書而世道益可悲矣

漁陽張舉張純反

故中山相張純與故泰山太守張舉及烏桓大人丘力居等連盟劫畧薊中殺校尉太守衆至十餘萬屯

肥如舉稱天子純稱彌天將軍移書州郡告天子避位敕公卿奉迎質實漁陽郡名注見秦王政三

年中山國名注見周威烈王二十三年泰山郡名注見秦始皇二十八年薊縣名注見帝立更始二年肥

如縣名注見武帝元朔三年

冬十月長沙區星反以孫堅為太守討平之封堅烏程

侯集覽

區星姓名區如字或音烏侯反

質實

烏程縣名注見晉安帝隆安三年

○前太

丘長陳寔卒質實

太丘縣名注見桓帝元嘉元年

寔在鄉閭平心率物其有爭訟輒求判正曉譬曲直退無怨者至乃歎曰寧為刑罰所加不為陳君所短揚賜陳耽每拜公卿羣僚畢賀輒歎寔未登大位愧於先之及卒海內赴弔者三萬餘人

書法

邑長不卒卒陳寔錄賢也終綱目令長書卒二王渙陳寔寔以前長書甚賢之也

辰戌

五年春二月有星孛于紫宮○黃巾餘賊寇太原河

東○屠各胡寇并州殺刺史張懿質實

屠各胡注見桓帝延熹元年

○以劉焉為益州牧劉虞為幽州牧質實

劉虞東海鄭人

太常劉焉見王室多故建議以為四方兵寇由刺史威輕且用非其所致宜改置牧伯選清名重臣以居其任侍中董扶私謂焉曰京師將亂益州分野有天子氣會刺史郤儉賦歛煩擾謠言遠聞而耿鄙張懿皆為盜所殺朝廷遂從焉議選列卿尚書為州牧各以本秩居任以焉為益州虞為幽州州任之重自此始焉魯恭王之後虞東海恭王五世孫嘗為幽州刺史民夷懷其恩信故用之焉入蜀會賊殺卻儉從

事賈龍等破走之選吏迎馬徙治綿竹務行寬惠以收人心

質實董扶綿竹人綿竹縣名注見光

武建武十二年

南匈奴右部反殺其單于羌渠考異

殺當作弑據齊建武四年書高昌弑

其君馬儒隋開皇十七年書吐谷渾弑其可汗世伏十九年書突厥弑其都藍可汗皆書弑不書殺

詔發南匈奴兵配劉虞討張純單于羌渠遣左賢王將騎詣幽州國人恐發兵無已於是右部醯落反與屠各胡合凡十餘萬人攻殺羌渠

集覽

醯落匈奴右部渠帥名呼韓邪之系冒頓之後也醯音火

反兮

大水○冀州刺史王芬自殺

陳蕃子逸與襄楷會於冀州刺史王芬坐楷曰天文不利宦者黃門常侍真族滅矣逸喜芬曰若然者芬願驅除因上書言黑山賊攻劫郡縣欲以起兵會帝欲北巡河間舊宅芬等謀以兵誅諸常侍因廢帝而立合肥侯以告曹操操曰夫廢立之事天下之至不祥也古人有權成敗計輕重而行之者伊霍是也然皆懷至忠之誠據宰輔之勢因東政之重同衆人之欲故能計從事立今諸君徒見曩者之易未覩當今之難而造作非常欲望必克不亦危乎會北方夜半有赤氣東西竟天太史言北方有陰謀不宜北方行帝乃止敕芬罷兵俄**集覽**驅除注見帝玄更始元年合而徵之芬懼自殺肥秦合肥縣漢置廬江國東漢為合肥侯國仍隸九江郡正義曰今廬州治合肥應劭曰夏水出父城東南至此與淮合故曰合肥字或作**質實**冀州注見秦二世二年信都國一統志云肥**合肥**漢之縣名屬九江郡晉屬淮南郡劉



宋改為汝陰縣屬汝陰郡齊屬廬江郡隋復為合肥縣屬廬州唐宋元仍舊國朝亦因之又併梁縣地入焉仍屬廬州府

書法

示戒也鄭衆專而周章之謀起趙張橫而王莽之計決綱目不書謀逆所以為尊信宦閹者之戒也然則莽無貶乎書自殺所以為貶也不量其力造作非常祇足以殺其身而已矣

發明

以下謀上宜得春秋無將之誅胡不書其謀反又胡不書其有罪伏誅是時靈帝罪浮于桀乃獨夫耳况莽本謀特欲誅宦者為廢昏立明之舉是以綱目未減其罪蓋恕莽所以惡靈也

其旨微矣

秋八月置西園八校尉

以小黃門蹇碩為上軍校尉袁紹鮑鴻曹操趙融馮芳夏牟淳于瓊等七校尉皆統於碩帝自黃巾之起留心戎事碩壯健有武略帝質實袁紹汝南親任之雖大將軍亦領屬焉

汝陽人

冬十月青徐黃巾復起○講武平樂觀

望氣者以為京師當有大兵兩宮流血帝欲厭之乃發四方兵講武於平樂觀起大壇建華蓋帝躬擐甲介馬稱無上將軍行陳三匝而還問討虜校尉蓋勳曰吾講武如是何如對曰臣聞先王耀德不觀兵今寇在遠而設近陳不足昭果毅祗黷武耳帝曰善恨見君晚羣臣初無是言也勳謂袁紹曰上甚聰明但蔽於左右耳與紹謀共誅嬖倖蹇碩懼出勳為京兆尹

集覽

行陳行下孟反按行也陳通作陣下

近陳通觀兵左傳觀兵于南門杜預曰觀音貫觀示  
兵威也楚世家觀兵於周郊服虔曰觀兵謂陳兵脇  
周也昭果毅左傳宣二年戎昭果毅以聽之之謂禮  
殺敵為果致果為毅注聽謂常存於耳著於心想聞  
其政令黠武黠與瀆觀通慢也數也  
古人有言曰武不可觀觀武無烈

書法

書講武何譏也寇在遠而講武於京師以為  
非禦備也故元年賊起繼書屯都亭五年復

起繼書講武平樂觀皆深譏之書講武始此終綱  
目書講武三  
是年晉安帝元興二年唐玄宗開元

元年書大閱二晉成帝咸  
康六年康帝建元二年

十一月涼州賊王國圍陳倉以皇甫嵩為左將軍討之

質實

陳倉縣名注見  
安帝元初四年

○遣騎都尉公孫瓚討漁陽賊走

之質實

公孫瓚遼西令支人漁陽郡名注見秦王政三年

己巳六年春二月皇甫嵩擊王國大破之考異

擊當作討

董卓謂皇甫嵩曰陳倉危急請速救之嵩曰不然百戰百勝不如不戰而屈人兵是以先為不可勝以待敵之可勝陳倉雖小城守固備未易可拔王國雖強攻陳倉不下其衆必疲疲而擊之全勝之道也國攻陳倉八十餘日不拔疲敝解去嵩進兵擊之卓曰窮寇勿迫歸衆勿追嵩曰不然前吾不擊避其銳也今而擊之待其衰也所擊疲師非歸衆也國衆且走莫有鬪志以整擊亂非窮寇也遂獨進連戰大破之斬首萬餘級卓大慙

恨由是與嵩有隙

三月劉虞討漁陽賊斬張純餘衆降散

劉虞到部遣使至鮮卑中告以利害責使送張舉張純首厚加購賞丘力居等聞虞至喜各遣譯自歸虞罷諸屯兵但留公孫瓚將萬人屯右北平三月純客殺純送首於虞瓚志欲掃滅烏桓而虞欲以恩信招降由是

集覽

丘力居烏桓大人名

賢實

右北平郡名注見秦王政三年

夏四月朔日食○即拜劉虞為太尉○遣大將軍進討韓遂

蹇碩忌大將軍進與諸常侍共說帝遣進西擊韓遂帝從之進知其謀奏遣袁紹收徐充二州兵須還而西以稽行期

帝崩皇子辯即位尊皇后曰皇太后太后臨朝封皇弟

協為陳留王考異

皇字

考證

皆當去

初帝數失皇子何后生聯養於道人史子眇家號曰史侯王美人生協董太后自養之號曰董侯羣臣請立太子帝以辨輕桃無威儀欲立協猶豫未決會疾篤屬協於蹇碩欲先誅何進而立協使人迎進往碩司馬潘隱迎而白之進驚馳歸營引兵入屯百郡郗稱疾不入辨即位年十四太后臨朝封協為陳留王年集覽輕桃桃與桃窕通爾雅曰桃偷也注荀且九歲也離騷經余猶惡其桃巧注桃輕也左傳襄二十六年楚師輕窕注言不能待重也窕徐氏音敕堯反又通弔反

書法

賀善贊曰靈帝信宦豎殺忠賢當時變異有終綱目所無者四蛇見御座黑氣青虹墮殿

庭雌雞化雄而又五書大疫居綱目半帝亦可以知變矣方且作畢圭作列肆起四百尺觀造萬金

堂鑄銅人土木盛興不知社稷之將覆人有恒言曰桓靈靈又甚於桓也○辯何以不書太子未嘗立為太子也於是蹇碩潛謀立協事有不能從容者矣兩漢書皇子即位者一而已

以袁隗為太傅與大將軍進參錄尚書事進收宦者蹇碩誅之

進既秉政忿蹇碩圖已袁紹因勸進悉誅諸宦官進以袁氏累世貴寵而紹與從弟術皆為豪傑所歸因信用之復博徵智謀之士何顓荀攸鄭泰等二十餘人與同腹心碩不自安與趙忠等謀誅進中常侍郭勝進同郡人以告進進使黃門質實何顓南陽襄鄉令收碩誅之因悉領其屯兵

陰人或之從子鄭泰開封人

質實何顓南陽襄鄉人荀攸潁川潁

書法

塞碩書誅矣其書進收何進專也

發明

何進以私忿殺塞碩故曰進收然碩亦不免書誅何哉此曹鄴畏帝室罪盈惡積正天誅

所宜加王法所不赦者豈得以其死於私忿之故而遂末減其罪乎書法若此初非過也

五月遷孝仁皇后於河間驃騎將軍董重自殺六月后

暴崩質實

河間國名注見帝玄更始二年

驃騎將軍董重與何進權勢相害中官挾重為助董太后每欲參預政事何太后輒禁塞之董后忿詈曰汝今輒張怙汝兄耶吾救驃騎斷何進頭如反手耳何太后告進進與三公共奏孝仁皇后交通州郡辜較財利故事藩后不得留京師請遷宮本國舉兵圍驃騎府收重免官重自殺董后憂怖暴崩民間由是



不附**集覽**驃騎注見武帝元狩二年輶張輶竹求反  
何氏書無逸曰譎張為幻注譎本作輶謂敗誑

幻惑也爾雅及詩作倂同倂張誑也蔡氏傳曰譎誑  
張誕也按譎與輶倂通史炤通鑑釋文曰輶車輶也  
張施弓弦二字皆有動意  
章懷云輶張猶彊梁也

**書法**

書暴崩何咎  
遷之者也

**發明**

孝仁本非國母然自何后言之猶為其姑云  
爾而遷之怖之使之至於殞滅可乎故夫后  
以崩書者是予其為母后也予其為母后而遷之  
至於暴亡者其罪始有不可言者矣宜乎他日賊

臣得以  
藉口也

**葬文陵質實**

一統志云文陵在  
河南府城東北

宦官張讓等欲行不法河堤若止奉詔皆惡則可矣乃必欲呂共世殺而後快斯為已甚太后所以不許也復召外兵以連龍則又至愚張讓宜其禍不旋踵智周上之御下不得其道所以小人乘機而動自然之理也

何進懲蹇碩之謀稱疾不入陪喪又不送山陵

大水○秋七月大將軍進召董卓將兵詣京師太后詔罷諸宦官八月宦官張讓等入宮殺進劫太后帝出至河上司隸校尉袁紹捕宦者悉誅之帝還宮以卓為司

空考異

一本無詣京師三字按提要劫太后下有及字

袁紹說何進曰前竇武欲誅內寵而反為所害者但坐言語漏泄五營兵士皆服畏中人而竇氏反用之自取禍滅今將軍兄弟並領勁兵部曲將吏皆英俊名士樂盡力命事在掌握此天贊之時不可失也進乃白太后請盡罷中常侍以下以三署郎補其處太后曰中宮統領禁省漢家故事也且先帝新棄天下

我奈何楚楚與士人共對事乎進難違太后意且欲誅其放縱者而太后母舞陽君及弟苗受宦官賂遺數白太后為其障蔽言大將軍專殺擅權以弱社稷太后以為然進又新貴素敬憚中官雖外慕大名而內不能斷故事久不決紹等又為畫策多召四方猛將使並引兵向京城以脇太后進然之主簿陳琳諫曰訪稱掩目捕雀夫微物尚不可欺以得志況國之大事其可以詐立乎今將軍總皇威握兵要龍驤虎步高下在心此猶鼓洪爐燎毛髮耳但當速發雷霆行權立斷則天人順之而反委釋利器更徵外助大兵聚會強者為雄所謂倒持干戈授人以柄功必不成祇為魯陷耳進不聽曹操聞而笑曰宦者之官古今宜有但世主不當假之權寵使至於此既治其罪當誅元惡一獄吏足矣何至紛紛召外兵乎欲盡誅之事必宣露吾見其敗也初靈帝徵董卓為少府卓上書言所將惶中義從及秦胡兵皆詣臣言稟賜斷

絕妻子饑凍牽挽臣車使不得行及帝寢疾璽書拜卓并州牧令以兵屬皇甫嵩卓復上書言士卒戀臣畜養之恩乞將之北州効力邊垂嵩從子鄴說嵩曰大人與卓怨隙已結勢不俱存卓被詔委兵而上書自請此逆命也彼度京師政亂故敢躊躇不進此懷姦也且凶戾無親將士不附大人今為元帥扶國威以討之無不濟也嵩曰違命雖罪專誅亦有責也不如顯奏使朝廷裁之乃上書以聞帝以讓卓卓亦不奉詔駐兵河東至是何進召之使將兵詣京師尚書鄭泰盧植皆諫進不從泰乃棄官去謂荀攸曰何公未易輔也進使騎都尉鮑信募兵泰山并召東郡太守橋瑁屯成臯使武猛都尉丁原將數千人寇河內燒孟津火照城中皆以誅宦官為言董卓聞召即時就道并上書曰張讓等竊倖承寵濁亂海內臣聞揚湯止沸莫若去薪潰癰雖痛勝於內食今輒鳴鍾鼓如雒陽請收讓等以清姦穢太后猶不從何苗謂進

曰始以貧賤依省內以致富貴國家之事亦何容易  
宜深思之卓至澠池而進更狐疑遣使宣詔止之袁  
紹懼進變計因脇之曰交構已成形勢已露將軍復  
欲何待而不早決之乎事久變生復為竇氏矣進於  
是以紹為司隸校尉王允為河南尹紹促董卓使馳  
驛上奏欲進兵平樂觀太后乃恐恚罷中常侍小黃  
門使還里舍皆詣進謝罪唯所措置進謂曰天下匈  
匈正患諸君耳今董卓垂至諸君何不早各就國袁  
紹勸進便於此決之再三不許謀頗泄張讓子婦太  
后之妹也讓叩頭謂曰老臣得罪當與新婦俱歸私  
門願復一入直得暫奉望太后顏色然後退就溝壑  
死不恨矣太后乃詔皆復入直進入長樂宮白太后  
請盡誅諸常侍張讓段珪相謂曰大將軍稱疾不臨  
喪不送葬今欲入省此意何為使潛聽具聞其語乃  
率其黨數十人持兵伏省戶下斬進即為詔以樊陵  
為司隸許相為河南尹尚書疑之曰請大將軍出共

議中黃門以進頭擲與曰何進謀反已伏誅矣進部  
曲將吳匡引兵燒南宮青瑣門讓等將太后少帝及  
陳留王劫省內官屬從複道走北宮尚書盧植執戈  
於閣道窓下仰數段珪珪懼乃釋太后太后投閣得  
免袁紹矯詔召樊陵許相斬之引兵屯闕下捕得趙  
忠等斬之吳匡等怨苗不與進同心乃令軍中曰殺  
大將軍者即車騎也吏士能為報讎乎皆流涕曰願  
致死遂攻殺苗紹遂閉北宮門勒兵捕諸宦者無少  
長皆殺之凡二千餘人或無鬚而誤死者進攻省  
內讓珪等因迫遂將帝與陳留王數十人步出穀門  
夜至小平津六壘不自隨公卿無從者唯盧植及河  
南中部掾閔貢夜至河上貢厲聲責讓等因手劍斬  
數人讓等惶怖叩頭向帝辭曰臣等死陛下自愛遂  
殺河而死貢扶帝與陳留王夜逐螢光還至雒舍明  
旦帝乘一馬陳留王與貢共乘一馬南行公卿稍有  
至者董卓亦到因與公卿奉迎於北芒阪下帝見卓

兵猝至恐怖流涕羣公謂卓曰有詔卻兵卓曰公諸人爲國大臣不能匡正王室至使國家播蕩何卻兵之有卓與帝語語不可了乃更與陳留王語問禍亂之由王答自初至終無所遺失卓大喜以爲賢且自以與董卓太后同族而王爲后所養遂有廢立之意是日帝還宮失傳國璽鮑信募兵適至說紹曰董卓將有異志今不早圖必爲所制及其新至疲勞襲之可禽也紹不敢發信乃引兵還泰山卓步騎不過三千率四五日輒夜潛出明旦乃大陳旌鼓而還以爲西兵復至雒中無知者俄而進及弟苗部曲皆歸之卓又陰使丁原部曲呂布殺原而并其衆於是諷朝廷以久雨策免司空劉弘而代之蔡邕亡命江海積十二年卓聞其名而辟之稱疾不就卓怒詈曰我能族人邕懼而應命到署祭酒甚見敬重三日之間周歷三臺遷集覽三署郎初泰置郎中令其屬官有三署爲侍中集覽五官中郎將左中郎將右中郎將凡三

署署中有郎中主執戟更直侍宮殿出則充車騎漢  
因之正義曰周之元士漢之光祿中散諫議此三署  
郎中是今之尚書也楚楚詩國風蟋蟀之羽衣裳楚  
楚心之憂矣於我歸處注楚楚鮮明貌文公集傳曰  
此詩言蟋蟀之羽翼猶衣裳之楚楚可愛也然蟋蟀  
朝生暮死故我心憂之而欲其於我歸處耳鼓洪爐  
顏師古曰扇熾其火謂之鼓稟賜稟讀曰廩古者給  
人以食取之於倉廩故因稱稟賜稟食橋瑁姓名瑁  
音媚依省內依上聲恃也省內注見武帝征和二年  
歛入歛讀若忽暴起也韓文詩指畫變悅歛注茫昧  
貌青瑣南宮門名顏師古曰門刻為連瑣文而青瑣  
也孟康曰以青畫門邊鏤中天子門制也複道注見  
秦始皇二十六年穀門洛陽城門名六璽茶邕獨斷  
曰璽凡九各有文刻皆以玉為之螭虎紐一曰傳國  
璽一曰神璽以鎮國中藏而不用一曰受命璽以封  
禪禮神其所謂六璽者皇帝行璽以報王公書皇帝



之璽以勞王公皇帝信璽以召王公天子行璽以報  
四夷書天子之璽以勞四夷天子信璽以召兵四夷  
皆以武都紫泥封盛以青囊白素裏兩端無縫尺一  
板中約署又傳國璽注見光武建武三年北芒阪下  
芒本作印蘇林音忙遽之忙山名也在河南雒陽縣  
北七十里故曰北芒應劭曰印屬沛國卽縣之山也  
阪音返坡阪也一曰澤障一曰山脇周歷三臺漢以  
尚書為中臺御史為憲臺謁者為外臺謂之三臺蔡  
邕初署祭酒補侍御史又正誤楚楚今按似謂悽愴  
轉侍書御史後遷尚書  
帝新棄天下而言依省質實部曲注見陳文帝天嘉  
內今按依如字倚附也質實元年舜陽縣名注見齊  
武帝永明五年陳琳廣陵人湟中西羌地名注見宣  
帝元康四年義從注見章帝建初六年成臯縣名注  
見秦莊襄王二年渑池縣名注見光武建武三年狐  
疑注見秦二世三年一統志云北邙山在河南府城

北七十里山連偃師鞏孟津三縣綿亘四百餘里東漢諸陵及唐宋名臣墳多在焉

書法

卓前書將軍矣此則曷為不書於是卓累徵拜不奉詔也直書董卓而冠之以進名罪進

也漢之禍進為之○書詔罷宦官矣張讓等曷為復以宦官書譏不力也於是太后詔復入直不書

書入惡辭也○於是紹勒兵捕宦者無少長皆殺之進攻省內讓等將帝步出此其先書帝出何不

以播蕩累紹也宦者書誅罪之也然則紹無貶歟書帝出河上紹捕宦者悉誅之則其專且濫之罪

著矣終綱目書誅宦官四其克者二漢書悉誅唐書大誅皆甚之之辭也詳建寧元年

癸明

進之此舉乃飲烏喙而攻疾耳疾未去而藥殺人曾不如不飲之為愈也綱目書進召董

卓則進雖欲辭其責尚可得乎○春秋書天王出居于鄭傳者曰天子無出失天下也夫王者無

外家撫四海而特書曰出者著傾覆之禍示播遷之辱也漢自安順以來寵信宦者如護心腹至桓靈則日益甚矣濁亂朝綱荼毒四海賢人君子進則不容於朝退則不容於野而彼方根據蟠結疽食浸淫如癰之附於頸不至於大壞極亂而不止綱目書之一則曰宦官二則曰宦官詳著于冊所以示亂亡之本為萬世之戒也後之寵愛近習者盍亦以是為鑒乎

九月袁紹出奔冀州卓廢帝為弘農王奉陳留王協即

位遂弑太后何氏考異

提要無出字

董卓謂袁紹曰天下之主宜得賢明每念靈帝令人憤毒董侯似可今欲立之能勝史侯否為當且爾劉氏種不足復遺紹曰漢有天下四百許年恩澤深渥兆民戴之今上富於春秋未有不善宣於天下公欲

廢嫡立庶恐衆不從公議也卓按劔叱紹曰賢子敢然天下之事豈不在我爾謂董卓刀為不利乎紹勃然曰天下健者豈惟董公引佩刀橫揖徑出縣節於上東門逃犇冀州卓大會百寮奮首而言曰皇帝闇弱不可以奉宗廟為天下主今欲依伊尹霍光故事更立陳留王何如皆惶恐莫敢對卓又曰有敢沮大議皆以軍法從事坐者震動盧植獨曰太甲不明昌邑多罪故有廢立之事今上行無失德非前事之比也卓大怒免植官遂逃隱於上谷卓以議示袁隗隗報如議卓遂脇太后策廢少帝為弘農王立陳留王協為帝隗解帝璽綬扶下殿北面稱臣太后鯁涕羣臣含悲莫敢言卓又議太后踰迫永樂宮至憂死逆婦姑禮乃遷永安宮配**集覽**踰迫永樂宮史炤通鑑殺之公卿以下不布服**集覽**釋文曰踰子六反行平易也迫逼也猶言行平易而逼之也先何太后還正董卓后於永樂宮憂怖暴崩故謂何后踰迫而死

誤之義無取當與感通謂促迫也賈實見秦王政三

年

書法

書出奔何卓強也紹出奔而弘農遂廢矣綱

書姓至伏誅始書之終綱目母后書改裁若母魏冉裁君之嫡母董卓裁何太后晉賈

氏裁楊太后趙石虎裁劉太后石遵裁劉太后燕

主實裁段太后魏胡氏裁高太后朱全忠裁何太

后裁書殺一燕

主熙殺丁太后

發明

乎然綱目於此且正其裁逆之名而何氏不

失為太后者亂臣賊子假問罪之說以行其私借

使何后無可指之失亦不能免此固綱目誅討

之意不以有詞可執而未減其罪為後世室賊亂之門杜纂弑之漸拔本塞源之論也

除公卿子弟為郎補宦官侍殿上考異

提要無第字

○即拜

劉虞為大司馬○卓自為太尉領前將軍事

加節傳斧鉞虎賁更封鄆侯

集覽

鄆音眉縣名屬右扶風詩王饒于鄆今鳳翔府是顏師古曰鄆

又音媚

質實

一統志云鄆秦之縣名漢屬右扶風後魏改平陽縣西魏改鄆城縣尋廢入周城縣

隋置鄆城郡唐改郡為鄆州尋廢州為鄆縣屬稷州後改屬鳳翔府宋因之金初屬恒州後屬京兆府路元初陞為鄆州至元初復為縣屬安西路至國朝改屬鳳翔府

書法

官未有書自為者書自為專也官書自為自卓始自是不勝書矣

遣使弔祭陳蕃竇武及諸黨人復其爵位考異

提要無弔字

董卓與三公詣闕上書追理蕃武及諸黨人悉復爵位遣使弔祠擢用子孫

書法

祭臣不書此何以書予思賢也是故樊豐誅而後祠楊震宦者敗而後祭陳竇遼水衄而

後祀魏徵祿山反而後祭九齡皆事後之思也終綱目書祭臣六詳明帝永平二年

發明

衰亂之世信用羣小殺戮忠良人情忿怒故姦雄偕以為詞稱兵問罪既得所欲則必申

理冤枉擢用名流以快海內之心如董卓遣使弔祭陳竇及聘召處士申屠蟠之類是也人主觀之綱目所書則必兢兢業業用賢去佞母使姦雄得以為藉手之地可也

自六月雨至于八月

書法

恒雨也昭帝之元嘗書七月至于十月矣於是復見終綱目連雨數月者二而已

○冬十月葬靈思皇后

公卿會葬素衣而已

十一月卓自為相國贊拜不名入朝不趨劔履上殿

書法

此殊禮也綱目備書者四蕭何董卓曹操劉惟蕭何書賜卓則書自操裕皆直書之而已

已

發明

莽卓在漢均為逆賊然綱目於莽自得政以至即真皆以太皇太后冠於其上而不曰莽

自為者所以著母后之禍為萬世戒也至董卓則書卓自為太尉自為相國自為太師者所以窒篡



竊之源使後世亂臣賊子欲假朝廷之命以自進其爵位者無得為欺天下之具也嗚呼自是而後竊命之臣皆用此例矣

○十二月徵處士申屠蟠不至以黃琬為太尉楊彪為司徒荀爽為司空

初尚書周處城門校尉伍瓊說董卓矯桓靈之政擢用天下名士以收衆望卓從之於是徵荀爽申屠蟠等就拜爽平原相行至宛陵遷光祿勳視事三日進拜司空自徵至是九十五日爽等皆畏卓之暴無敢不至獨蟠得徵書人勸之行笑而不答竟以壽終卓又以韓馥為冀州牧劉岱孔伋為兗豫刺史張邈張咨為陳留集覽周處東觀記曰周玘豫州刺史慎之南陽太守子也續漢書及魏志玘並作處章懷

注云密音秘宛陵括地志云宛陵故城在鄭州  
新鄭縣東北三十八里本鄭舊縣也伯直又反  
黃琬江夏安陸人瓊之孫楊彪華陰人秉之孫荀爽  
穎川穎陰人淑之子平原國名注見光武建武五年  
宛陵縣名注見梁武帝太清三年陳留郡  
名注見秦二世三年南陽郡名注同上年

**發明**

申屠蟠見幾而作獨免黨錮之禍至是又不  
為董卓所屈異乎荀爽諸人若蟠者真無愧

於處士之名矣特  
書不至蓋予之也

# 以袁紹為勃海太守

洛中貴戚室第相望卓放兵剽虜妻略婦女不避貴  
賤人情崩恐不保朝夕卓購求袁紹急周密伍瓊曰  
紹恐懼出奔非有他志今急購之勢必為變袁氏樹  
恩四世門生故吏徧天下若收豪傑以聚徒眾則山

東非公之有也。不如赦之。拜一郡守。紹喜於免罪。必無患矣。卓乃即拜紹勃海太守。又以紹從弟術為後將。出曹操為驍騎校尉。術奔南陽。操愛易姓名間行。東歸至陳留。散家財。合兵得五千人。是時豪傑多欲起兵討卓者。袁紹在勃海韓馥。遣數部從事守之。不得動。操東郡太守。橋瑁詐作三公移書州郡。陳卓罪惡。徵兵赴難。馥得移請諸從事問曰。今當助袁氏耶。助董氏邪。治中從事劉子惠曰。興兵為國。何謂袁董。馥有慙色。乃作書。集覽。移書官曹公府。不相臨。與紹聽其起兵。集覽。誠則為移箋表之類也。質實。勃海郡名。注見獻帝建安八年。南皮東郡。注見光武建武八年。

庚午 孝獻皇帝初平元年春正月。關東州郡起兵討卓。推袁紹為盟主。

紹自號車騎將軍與河內太守王匡屯河內韓馥留  
鄴給軍糧孔伋潁川劉岱張邈邈弟廣陵太守超  
山陽太守袁遺濟北相鮑信與橋瑁曹操俱屯酸棗  
袁術屯魯陽衆各數萬豪傑多歸心袁紹者鮑信獨  
謂操曰君畧不世集覽魯陽南陽郡有魯陽縣案魏  
出殆天之所啓乎

汝州魯

質實

河內郡名注見桓帝延熹九年鄴縣名  
注見建安十五年潁川郡名注見秦二

世三年廣陵郡名注見武帝元朔五年山陽郡名注  
見成帝河平二年濟北國名注見楚義帝元年酸棗  
縣名注見周慎靚王四年一統志云魯陽漢之縣名  
屬南陽郡三國魏為廣州晉復置縣屬南陽國後魏  
置魯陽郡又置魯州隋初郡廢大業初廢州為魯縣  
屬襄城郡唐初復置魯州改縣曰魯山貞觀中州廢  
以汝陽縣省入魯山屬汝州宋元  
仍舊名國朝因之改屬南陽府

書法

特筆也書推為盟主將以深責紹也

卓弑弘農王

書法

廢君書弑自董卓始終綱目廢君而弑之者二十弘農王宋零陵王營陽王齊汝陰王海

陵王涪陵王梁巴陵王魏王恭安定王東海王齊中山王梁主綱魏主欽周宋公陳江陰王齊濟南王隋介公後梁濟陰王後唐鄂王漢湘陰公

發明

弘農既廢已不成乎君前史皆以殺為文至綱目始正名書弑者不以其微而廢君臣之

義則逆賊之罪益著矣

卓奏免太尉琬司徒彪以王允為司徒殺城門校尉伍

瓊尚書周忠考異

提要卓上有圈

卓議大發兵以討山東尚書鄭泰曰夫政在德不在  
衆也卓不悅曰如卿此言兵為無用邪泰曰非謂其  
然也以為山東不足加大兵耳明公出自西州少為  
將帥閑習軍事袁本初公卿子弟生長京師張孟卓  
東平長者坐不闕堂孔公緒清談高論嗑枯吹生並  
無軍旅之才臨鋒決敵非公之儔也況王爵不加尊  
卑無序不肯同心共膽與齊進退且山東承平日久  
民不習戰天下所畏者無若并涼之人與羌胡義從  
而明公擁之以為爪牙譬猶驅虎兇以赴犬羊鼓烈  
風以掃枯葉誰敢禦之無事徵兵以驚天下使患役  
之民相聚為非棄德恃衆自虧威重也卓乃悅既而  
又以山東兵盛欲遷都以避之表河南尹朱儁為已  
副使者召拜儁辭不受因曰國家西遷必孤天下之  
望以成山東之釁臣不知其可也卓大會公卿議之

楊彪曰關中殘破都維已久今無故捐宗廟棄園陵  
恐百姓驚動必有糜沸之亂天下動之至易安之甚  
難惟明公慮馬卓作色曰公欲沮國計邪黃琬曰此  
國之大事楊公之言得無可思卓不答以災異奏免  
琬彪等以王允為司徒伍瓊周密固諫遷都卓大怒  
曰卓初入朝二公勸用善士故卓相從而諸君到官  
舉兵相圖此二君賣卓卓何用

集覽

本初袁紹字孟卓張邈字坐不

相負收斬之彪琬惶恐謝罪  
關堂關傾頭門中視也即坐不垂堂之義注見武帝  
建元三年公緒孔宙字義從注見章帝建初五年虎  
兕虎山獸之君兕序姊反有力之獸如牛而一  
角青色重千斤糜沸糜說文糝也言如糝之沸正誤  
坐不闕堂今按坐不闕堂言愛惜身命也堂高廡遠  
地闕視恐墜墮即坐不垂堂之義糜沸今按糜即粥  
也李賢曰如實實西州注見齊明帝建武四年高昌  
康粥之沸

實實

國并凉二州名并注見晉愍帝建

興四年涼注見唐  
中宗景龍二年

書法

免未有書所自者書卓奏何專也是故王鳳專則以陳湯為從事中郎書鳳奏董卓專則

免太尉琬司徒彪則書卓奏殺伍周者卓也則以王允者亦卓也書以非譏允歟允為卓所以而卒能誅卓書以所以予允也故灌嬰能與齊連和則書產使者乃所以予嬰王允能使布誅卓則書卓以者乃所以予允也

卓徵蓋勳為議郎皇甫嵩為城門校尉

蓋勳為京兆尹左將軍皇甫嵩將兵三萬屯扶風勳密與嵩謀討卓卓素怨嵩徵為城門校尉欲因殺之嵩將行長史梁衍說嵩曰卓寇掠京邑廢立從意今徵將軍大則危禍小則困辱今卓在雒陽天子來西



以將軍之衆迎接至尊奉令討逆袁氏逼其東將軍迫其西此成禽也嵩不從而就徵勲以衆弱不能獨立亦還京師

**賈實**

京兆尹官名注見武帝太初元年扶風郡名注見周顯王八年岐縣雒陽縣名

注見光武建武四年

**書法**

二子忠賢也則曷為書卓徵書卓徵為二子惜也

**發明**

皇甫嵩功名素著身為上將手握強兵坐視帝室傾覆逆賊鷁張不能唱大義於天下乃

束手就召甘心事賊何哉善乎范曄之論謂其舍格天之大業就匹夫之小諒卒狼狽虎口為智士笑者也況是時蓋勲進謀梁衍獻策嵩皆棄之不顧至他日乃以虛詞強辯與逆賊抗不亦晚乎綱目書卓徵嵩為城門校尉則嵩屈身就賊之耻不可掩矣是以通鑑明年五月書以嵩為車騎將軍

八月書以嵩為太尉十二月書太尉嵩免綱目皆棄而不錄蓋鄙之也鄙之則不足言矣然則志士仁人其於去就之際盍亦知所處哉

三月卓遷都長安燒洛陽宮廟發諸帝陵車駕西遷考

異提要無帝字及車駕西遷五字

董卓收諸富室以罪惡誅之沒入其財物死者不可勝計悉驅徙其餘民數百萬口於長安步騎驅蹙更相蹈藉饑餓寇掠積屍盈路卓自留屯畢圭苑中悉燒宮廟官府居家二百里內無復雞犬又使呂布發諸帝陵及公卿冢墓收其珍寶三月帝至長安董卓未至朝政大小皆委之王允允外相彌縫內謀王室甚有大臣之度自天子及朝中皆倚允允屈意承卓卓亦雅信焉

集覽

畢圭注見靈帝光和三年

居家居民之家也

質實

長安縣名注見惠帝五年

書法

李惟曹操皆書遷帝于某逼遷也此則曷為以自遷書其上書卓遷都燒宮廟發諸陵然

後書車駕西遷則其逼脇淒涼之狀自見矣書卓遷都專辭也書車駕西遷不得不遷之辭也

發明

孟子曰民為貴社稷次之君為輕今董卓虜掠人民驅徙數百萬口死者不可勝計然綱

目止書官廟諸陵及車駕而不及民何哉春秋之法君將不言師師君獲不言師敗績以君重於師也禮稱有焚其先人之室則三日哭故廟災則必哭之以神主之所安也蓋孟子之言為時君牛羊用人而莫之恤故以民為貴君社稷次之將以救一時糜爛之禍若夫春秋之書禮經之典正名定分為萬世法故必以君宗廟為重而民次之此則經世之大常亘古今而不可易者也綱目於此深

得春秋禮經之旨故其書法如此惟此義不行然後有託以為民之故輕棄君親社稷而不顧以自文其背畔之實如降虜降賊以全城為名者不有君子誰能正之噫

卓殺太傅袁隗滅其家○長沙太守孫堅舉兵討卓將軍袁術據南陽表堅領豫州刺史

孫堅起兵殺荊州刺史王叡前至南陽已數萬人殺太守張咨至魯陽與袁術合兵術由是得據南陽表堅行破虜將軍領豫州刺史堅與官屬會飲於魯陽城東董卓步騎數萬卒至堅方行酒談笑整頓部曲無得妄動後騎漸益堅徐罷坐導引入城乃曰向堅所以不即起者恐兵相蹈藉諸君不得入耳卓兵見其整不敢質實長沙郡名注見興平元年荊州注見攻而還建安十二年南陽郡名注見秦二世

三年豫州注見光武建武十九年汝南郡部曲注見陳文帝天嘉元年

書法

書據何罪專也

以劉表為荊州刺史

時寇賊縱橫道路梗塞表單馬入宜城請南郡名士蒯良蒯越與之謀曰今江南宗賊甚盛各擁衆不附若表術因之禍必至矣吾欲徵兵恐不能集其策焉出越曰表術驕而無謀宗賊帥多貪暴為下所患若使人示之以利必以衆來使君誅其無道撫而用之一州之人有樂存之心聞君威德必襁負而至矣兵集衆附南據江陵北守襄陽荊州八郡可傳檄而定公路雖至無能為也表曰善乃使越誘宗賊帥至者十五人皆斬之而取其衆遂徙治襄陽鎮撫郡縣江南悉平

集覽

公路表

質實

劉表

山陽高平人魯恭王之後也宜城縣名注見安帝建光元年南郡注見獻帝建安十二年江陵縣名注見建安十三年襄陽縣名注見建安十二年

書法

自卓弑以來徵拜皆書卓以此其不書卓以何卓在外也

# 曹操與卓兵戰于滎陽不克還屯河內

袁紹等諸軍畏董卓之彊莫敢先進曹操曰舉義兵以誅暴亂大衆已合諸君何疑向使董卓倚王室據舊京東向以臨天下雖以無道行之猶足為患今焚燒宮室劫遷天子海內震動不知所歸此天亡之時也一戰而天下定矣遂引兵西將據成臯至滎陽遇卓將徐榮與戰操兵敗為流矢所中馬亦被創從弟洪以馬與操曰天下可無洪不可無君遂夜遁還酸棗諸軍十餘萬日置酒高會不圖進取操責讓之因

為謀曰諸君聽吾計使勃海引河內之眾臨孟津酸  
棗諸將守成臯據敖倉塞轅轅大谷全制其險使袁  
將軍率南陽之軍軍丹析入武關以震三輔皆高壘  
深壁勿與戰益為疑兵示天下形勢以順誅逆可立  
定矣今兵以義動持疑不進失天下望竊為諸君耻  
之邈等不能用操乃還屯河內頃之酸棗食盡眾散  
劉岱殺  
**集覽** 酸棗注見秦莊襄王元年勃海引河內  
之眾勃海太守袁紹先與王匡屯兵於

河內酸棗諸將劉岱張邈張超袁遺鮑信橋瑁曹操  
等諸將俱屯於酸棗縣酸棗注見周慎靚王四年  
倉注見漢王劉邦二年大谷音秦欲括地志云太原  
郡大谷縣有大谷山丹析二縣名地理志弘農郡丹  
水縣索隱曰丹水屬南陽漢書音義曰丹水出上洛  
縣冢領山括地志云故丹城在鄧州內鄉縣西南百  
三十里南去丹水二百步  
析注見帝玄更始元年  
**質實** 成臯縣名注見秦莊  
襄王二年勃海郡名

注見建安八年南皮河內郡名注見桓帝延熹九年  
孟津地名注見帝玄更始二年一統志云大谷關名  
在河南府閩鄉縣西南二十五里秦山谷丹水漢之  
縣名屬弘農郡晉屬順陽郡後魏改置丹川郡後周  
廢之故城在南陽府內鄉縣西南一  
百二十里武關注見周赧王四年

### 袁紹以臧洪領青州

青州刺史焦和亦起兵務及諸將西行不為民人保  
障兵始濟河黃巾已入其境青州財富兵盛和每望  
寇奔北好卜筮信鬼神入見其人清談干雲出觀其  
政賞罰清亂州遂蕭條悉為丘墟頃之病卒袁紹使  
廣陵功曹臧洪**集覽**奔北注見周赧王  
領青州以撫之**集覽**三十一一年逐北  
永康元年廣陵郡名注見武帝元  
朔五年淮南臧洪廣陵射陽人



書法

書紹以何專也

夏四月以劉虞為太傅

先是幽部應接荒外資費甚廣歲常割青冀賦調二億有餘以足之時處處斷絕委輸不至而虞敝衣繩屨食無兼肉務存寬政勸督農桑開上谷胡市之利通漁陽鹽鐵之饒民悅年登穀石三十青徐士庶避難歸虞者百餘萬口虞皆收視溫恤為安立生業流民皆忘其遷徙焉至是拜太傅而道路壅塞命不得通

集覽

荒外注見安帝永寧元年委輸注見高帝五年

質實

上谷郡名注見秦王政三年漁

陽郡名注同上

書法

於是道路壅塞命不得通何以書予虞也是故苟可予也雖君命未達書之

# 司空荀爽卒

爽見卓恣暴滋甚必危社稷其所舉辟皆取才畧之士將共圖之亦與王允及卓長史何顓等為內謀會病薨

# 卓壞五銖錢更鑄小錢

悉取雒陽及長安銅人鍾虓飛廉銅馬之屬以鑄由是貨賤物貴穀石至數萬錢  
泰始皇二十六年飛廉  
注見武帝元封二年

書法  
自建武十五年書復行五銖至是一百五十年未之有改也卓始壞之書曰卓壞五銖

錢罪  
卓也

欽定四庫全書

御批資治通鑑綱目

省孝和以下廟號

卷十二下

初孝和廟號穆宗孝安號恭宗孝順號敬宗孝  
桓號厲宗至是蔡邕議以為宜皆省去從之

以公孫度為遼東太守

度到官以法誅臧郡中名豪大姓百餘家郡中震慄  
乃東伐高句驪西擊烏桓分遼東為遼西中遼郡各  
置太守越海收東萊諸縣置營州刺史自立為遼東  
侯平州牧立漢二祖廟承制郊祀天地籍田乘輿輅  
設旄頭集覽藉田注見文帝二年駕輅注見成帝建  
羽騎始元年旄頭羽騎注見光武建武四年  
旄質實公孫度遼東襄平人高句驪國名注見新莽  
騎始建國四年烏桓國名注見宣帝本始三年  
遼東郡名注見泰王政三年遼西郡名注見建安十  
年東萊郡名注見成帝永始元年營州注見秦王政

三年右北平  
平州注同上

辛未二年春正月關東諸將奉大司馬劉虞為帝虞不受

關東諸將議以朝廷幼冲逼於董卓遠隔關塞不知  
存否幽州牧劉虞宗室賢雋欲共立為主曹操曰吾  
等所以舉兵而遠近莫不響應者以義動故也今幼  
主微弱制於姦臣非有昌邑亡國之釁而一旦改易  
天下其孰安之諸君北面我自西向韓馥袁紹以書  
告袁術術陰有不臣之心不利國家有長君乃外託  
公議以拒之馥紹竟遣故樂浪太守張岐等齎議上  
虞尊號虞厲色叱之曰今天下崩亂主上蒙塵吾被  
重恩未能清雪國耻諸君各據州郡宜共戮力王室  
而反造逆謀以相垢汙邪馥等又請虞領尚書事承  
制封拜復不聽欲犇匈奴集覽昌邑亡國之釁昭帝崩  
奴以自絕紹等乃止立昌邑王賀王素淫戲

無度此乃亡國之釁隙也後廢之而立宣帝樂浪注見武帝元封三年蒙塵左傳天子蒙塵于外注云天子出奔謂之蒙塵

書法

秦立齊君為東帝書立此其書奉何眾所欲也故未卒事不書書不受嘉守節也再書虞

重予之與書已而去之者大異矣終綱目書奉為帝一而已

發明

既不受矣而猶書之者所以著虞知義守節之美也

二月卓自為太師

位居諸侯王上

孫堅進兵擊卓卓敗西走堅入洛陽修塞諸陵而還考

異

按上下文並書討卓此書擊傳誤耳

孫堅進屯陽人卓遣步騎迎戰堅擊破之梟其都督或謂袁術曰堅若得洛不可復制此為除狼而得虎也術疑之不運軍糧堅夜馳見術曰所以出身不顧者上為國家討賊下慰將軍家門之私讎而將軍受浸潤之言還相嫌疑何也術踧蹙即調發軍糧卓遣說堅欲與和親堅曰卓逆天無道今不夷汝三族縣示四海則吾死不瞑目豈將與汝和親邪復進軍大谷距洛九十里卓自出與戰敗走却屯澠池堅進至雒陽掃除宗廟祠以太牢得傳國璽於城南甄官井中分兵邀卓卓謂長史劉艾曰關東軍敗數矣皆畏孤無能為也惟孫堅小戇頗能用當語諸將使知忌之乃使董越屯澠池段煨屯華陰牛輔屯安邑以禦山東而自引兵還長安孫集覽陽人注見秦莊襄王元年甄官甄稽

延反甄陶也官謂官舍也如學官鹽官之質實大谷

官賈誼傳學官注云學者所學之官也

注見初平元年澠池縣名注見光武建武三年雒陽縣名注見光武建武四年華陰縣名注見興平二年

安邑縣名注見周威烈王二十三年長安縣名注見惠帝五年魯陽縣名注見初平元年

書法於是書討卓者三關東孫堅朱儁惟堅書進兵予義也故特詳之脩陵必書重山陵也終

綱目書脩陵五年再書書鎮衛山陵一晉孝武帝太

元十一年書按視諸陵一後唐甲申年

發明自諸君唱義未聞有破賊之功惟堅此舉差強人意宜乎綱目書以予之也

夏四月卓至長安

卓至長安公卿迎拜車下卓因抵手謂皇甫嵩曰義  
真怖未乎嵩曰明公以德輔朝廷大慶方至何怖之  
有若淫刑以逞將天  
**質實**  
義真皇甫  
嵩表字

# 六月地震○袁紹逐冀州牧韓馥自領州事

初何進遣張楊募兵并州會進敗楊留上黨有衆數  
千人至是歸袁紹於河內與南單于屯漳水韓馥以  
豪傑多歸心袁紹忌之陰節其糧欲使離散紹客逢  
紀謂紹曰將軍舉大事而仰人資給不據一州無以  
自全韓馥庸才可密要公孫瓚使取冀州馥必駭懼  
因遣辯士為陳禍福馥迫於倉卒必有遜讓紹以書  
與瓚瓚遂引兵至馥與戰不利會董卓入關紹還軍  
延津使馥所親辛評荀諲郭圖等說馥曰公孫瓚將  
燕代之卒乘勝來南其鋒不可當袁車騎引軍東向  
其意亦未可量也竊為將軍危之馥懼曰然則為之



柰何謀曰君自料寬仁容衆孰與袁氏智勇過人孰與袁氏世布恩德孰與袁氏馥曰皆不如也謀曰袁氏一時之傑將軍資三不如之勢久處其上彼不為將軍下也夫冀州天下之重資也彼若與公孫瓚并力取之危亡可立而待也然袁氏將軍之舊且為同盟當今之計若舉冀州以讓袁氏彼必厚德將軍瓚亦不能與之爭矣是將軍有讓賢之名而身安於泰山也馥性惟怯因然其計馥長史耿武別駕閔純治中李歷聞而諫曰袁紹孤客窮軍仰我鼻息譬如嬰兒在股掌之上絕其哺乳立可餓殺柰何欲以州與之馥曰吾袁氏故吏且才不如本初度德而讓古人所貴諸君獨何病焉馥乃避位讓紹從事皆棄馥去獨武純仗刀拒紹紹皆殺之承制以馥為奮威將軍而無所將御以沮授為奮武將軍使監護諸將審配田豐並以正直不得志於馥紹以豐為別駕配為治中及許攸逢紀荀諝皆為謀主紹又以朱漢為都官

從事漢嘗為馥所不禮於是發兵圍馥第收馥大兒折其兩足紹收漢殺之馥猶憂怖去依張邈後紹使至與邈耳語馥集覽逢紀逢皮江反姓也案揚子逢謂圖已遂自殺集覽蒙分其弓注逢莫江反仰我鼻息仰五亮反待也鼻息謂鼻中之氣息言其易與也從事從軍職參謀議將軍屬官亦刺史屬官沮授姓名沮側余反風俗通曰正誤仰我鼻息今按伏黃帝時史官沮誦之後我呼吸之力也實實上黨郡名注見周赧王五十三年一統志云漳水在潞州城西南二十里即濁漳水也源出長子縣西發鵠山東北流至州境經襄垣黎城與清漳水合延津注見建安五年

書法

於是辛評等說馥讓紹則其直書逐何誅意也紹於是不得為義舉矣綱目終紹之身無

予辭然則推紹為盟主何以書若曰以為盟主而卒若是馬所以深責紹也

發明

袁紹官之謀挑發禍機遂至逆賊暴亂頌覆漢

祚流毒生民四海分崩禍亦烈矣紹既身為盟主固當奮不顧死戮力王室庶可少贖前日之失況袁詭之死舉家屠戮尤當痛心疾首務殄讎賊夫何自舉義以來未聞遣一兵馳一騎進攻賊黨顧乃更相吞噬務自封殖果何為者綱目書紹逐冀州牧自領州事文無貶詞而其緩於勤王急於僭竊之意隱然自見於書法之間他時奔敗之餘嘔血而死盛天誅之也何足道哉

# 袁紹表曹操為東郡太守

鮑信謂曹操曰袁紹為盟主因權專利將自生亂是復有一卓也抑之則力不能制且可規大河之南以待其疲操善之會黑山白繞等十餘萬眾東郡郡孫引兵擊破之袁紹因表操為東郡太守治東武陽

集覽

可規規圖也黑山白繞其姓名

質實

黑山注見靈帝中平二年東郡

注見光武建武八年一統志云東武陽縣魏晉俱屬陽平郡東郡東漢改為郡尋復為武陽縣魏晉俱屬陽平郡北齊廢後周復置屬魏郡隋屬莘州後屬魏州唐改為武聖縣又改為朝城以縣東古廟城為名元和中屬澶州後屬魏州五代晉屬大名府宋屬開德府金屬大名府元屬濮州本朝因之改屬東昌府

卓以張楊為河內太守

南單于刼楊以叛袁紹

質實

黎陽縣名注見成帝綏和二年

書法

復書卓以卓至長安也

冬十月卓殺衛尉張溫

太史望氣言當有大臣戮死者董卓使人誣告溫罪答殺以應之

黃巾寇勃海校尉公孫瓚擊破之考異

據中平元年書朱雋趙謙曹操

王允等討黃巾此誤書擊○公孫瓚攻袁紹以劉備為平原相

劉虞子和為侍中帝使逃歸令虞以兵來迎袁術留和使以書與虞虞遣騎詣和公孫瓚亦遣其弟越以騎詣術教術執和奪其兵虞瓚由是有隙是時關東州郡務相兼并以自彊大袁紹袁術亦自相離貳術遣孫堅擊董卓未返紹遣周昂襲奪堅陽城堅歎曰同舉義兵將救社稷逆賊垂破而各若此吾當誰與戮力乎引兵擊昂走之袁術遣公孫越助堅攻昂越為流矢所中死公孫瓚怒曰余弟死禍起於紹遂出軍屯磐河數紹罪惡進兵攻之冀州諸城多畔從瓚初涿郡劉備中山靖王之後也少孤貧與母以販履

為業有大志少語言喜怒不形於色嘗與璣同師盧  
植因往依璣至是璣使與其將田楷徇青州有功因  
以為平原相備少與河東關羽涿郡張飛友善以羽  
飛為別部司馬分統部曲備與二人寢則同牀恩若  
兄弟而稠人廣坐侍立終日隨備周旋不避艱險常  
山趙雲為郡將兵詣璣璣曰聞貴州人皆願袁氏君  
何獨迷而能反乎雲曰天下訟訟未知孰是民有倒  
懸之厄鄙州論議從仁政所在不為忽袁公私明將  
軍也劉備見而奇之深加接納**集覽**陽城注見秦二  
雲遂從備至平原為備主騎兵**世元年**願袁氏  
願念也歸也訟訟音凶**正誤**皆願袁氏今**質實**涿郡  
眾語也史炤音詡拱反按願欲也  
帝玄更始二年平原國名注見光武建武五年河東  
郡名注見建安七年常山郡名注見光武建武九年

袁術使孫堅擊劉表表軍射殺之

初袁術得南陽戶口數百萬而術奢淫肆欲徵歛無  
度百姓苦之稍稍離散既與袁紹有隙各立黨援以  
相圖術結公孫瓚而紹連劉表術使孫堅擊表表遣  
其將黃祖逆戰堅擊破之遂圍襄陽表夜遣黃祖潛  
出發兵欲還堅逆與戰祖敗走堅乘勝夜追祖祖步  
兵射堅殺之堅所舉孝廉桓階詣表請堅喪表義而  
許之術由是賢實襄陽縣名注見建安十  
不能勝表

書法

堅初舉義綱目書討既而敗卓特書進兵皆  
予辭也於是而為術所使內自相攻則非死

於國矣書術使書  
射殺之惜之也

發明

孫堅前有破賊之功綱目方書而予之今乃  
為袁術所使則非義矣不死於勤王而死於

助桀直書于  
冊可勝惜哉

河南尹朱儁移書州郡徵兵討卓

初董卓入關留儁守雒陽而儁潛與山東諸將通謀東屯中年移書州郡徵兵討卓徐州刺史陶謙遣精兵三千助之餘州質實中年徐州注見秦始皇二十八年彭城陶謙丹陽人

書法

移書討卓何予儁也書移書始此終綱目書移書一移檄七是年晉惠帝永興二年東海

王越愍帝建興四年丞相肅元帝永昌元年譙王承戊辰年梁湘東王緝唐僖宗中和元年鄭畋高

駢哀帝天祐四年淮南等惟

丞相睿湘東王高駢為譏辭

發明

按春秋魯莊公九年書及齊師戰于乾時我師敗績傳者謂內不言其敗此其言敗者為



與讎戰雖敗亦榮也夫莊公非能復父之讐特因他事舉兵春秋猶書而予之况真能復讐者乎朱偽討卓未幾反為所敗畧無尺寸之功然綱目書移書州郡召兵討卓若有深嘉樂予之意者急於討賊故成敗利鈍有不暇顧耳使其果能因此殄賊書法又可知矣

劉焉殺漢中太守斷斜谷閣考異

提要無閣字

焉在益州陰圖異計沛人張魯自祖父陵以來世為五斗米道客居于蜀焉以為督義司馬與合兵掩殺漢中太守斷斜谷閣殺害漢使作乘輿車時焉子璋為奉車都尉在長安帝使璋喻焉焉留不遣

集

覽

五斗米道靈帝時漢中有張脩為人療病令病家出米五斗號五斗米師聚眾寇叛時謂之米賊斜

谷閣崔浩曰斜谷路險不容行架木為棚而度曰閣道漢中郡國志府西北入斜谷路至鳳州界百五十

里有棧閣二千九百八十九間板閣二千八百九十二間斜谷注見成帝元延三年褒斜

**發明**

劉馬始因益州分野有天子氣遂求為牧今又所為若此則其貪圖非望為何如哉是時逆賊暴亂馬為宗姓不能唱義誅討反肆桀逆書殺漢中太守斷斜谷閣其罪殆與卓等矣

# 管寧邴原王烈適遼東

公孫度威行海外中國人士避亂者多歸之北海管寧邴原王烈皆往依焉寧少時與華歆為友嘗共鋤菜見地有金寧揮鋤不顧歆提而擲之人以是知其優劣邴原遊學八九年而歸師友以原不飲酒會米肉送之原曰本能飲酒但以荒思廢業故斷之耳今當遠別可一飲於是共飲終日不醉寧原俱以操尚稱度虛館以侯之寧既見度乃廬於山谷避難者漸來從之旬月而成邑寧每見度語唯經典不及世事

還山專講詩書習俎豆非學者無見也由是度安其  
賢民化其德邠原性剛直清議以格物度已下心不  
安之寧謂原曰潛龍以不見成德言非其時皆招禍  
之道也密遣原逃歸度亦不復追也烈器業過人善  
教誘有盜牛者主得之盜請罪曰刑戮是甘乞不使  
王彥方知也烈聞而使入謝之遺布一端或問其故  
烈曰盜懼吾聞其過是有耻惡之心既知耻惡則善  
心將生故與布以勸為善也後有老父遺劔於路行  
道一人見而守之至暮老父還尋得劔怪之以事告  
烈烈使推求乃先盜牛者也諸有爭訟曲直將質之  
於烈或至塗而反或望廬而還皆相推以直不敢使  
烈聞度欲以為長史烈辭之為商賈以自穢乃免

集覽

荒思荒迷亂之謂思去聲念慮也俎豆皆宗廟  
中禮器詳見三禮圖格物史炤曰格古伯反廢

格之格謂以清議廢人又音閣案房玄齡不以已長  
格物注格胡客反謂捍格於物而無所容受彥方王

烈正誤

格物今按格謂標品之也

質實

北海郡名注見桓帝永康元年青州管寧朱虛人邴

原同上王烈太原人華歆高唐人

書法

特筆也三賢去就綱目每謹書之

壬申三年春正月卓遣校尉李傕郭汜張濟擊朱儁於中

牟破之遂掠潁川

初荀淑有孫曰彧少有才名何顥見而異之曰王佐才也及天下亂或謂父老曰潁川四戰之地宜亟避之鄉人多懷土不能去或獨率宗族去依韓馥會袁紹已奪馥位待以上賓之禮彧度紹終不能定大業閻曹操有雄畧乃去從操操與語大悅曰吾子房也以爲奮武司馬至催汜既破中牟遂掠潁川其鄉人

留者多

**集覽**

潁川注見秦二世三年四戰之地言四

為所殺

面受敵奮武司馬奮武將軍之號司馬

將軍屬官秩百石中牟地理志云河南中牟縣今屬

汴州縣在州西北二十里正義曰此春秋鄭之邑也

趙地亦有中牟縣相州蕩陰西五十里有中牟山案中牟在牟山之側

**質實**

中牟漢之

縣名屬河南郡晉屬滎陽郡後魏省尋復置東魏增

置廣武郡隋初廢郡改縣曰內牟屬鄭州唐復改中

牟縣并置牟州尋罷州以縣屬管州龍朔初屬鄭州

五代梁屬開封府唐屬鄭州宋屬開封府金元俱仍

舊名國朝因之

**書法**

書掠賊之也

袁紹繫公孫瓚於界橋大敗之

袁紹自出拒公孫瓚戰於界橋南二十里瓚兵三萬  
甚銳紹令麴義領精兵八百先登彊弩千張夾承之  
瓚輕其兵少縱騎衝之義兵伏楯下不動未至數十  
步一時同發譙呼動地大敗瓚軍斬其將嚴綱追至  
瓚營拔其牙門餘衆皆走初兗州刺史劉岱與紹瓚  
連和紹令妻子居岱所瓚亦遣從事范方將騎助岱  
及瓚破紹軍語岱令遣紹妻子救方若岱不遣紹家  
將騎還岱問程昱昱曰棄近援而求遠助此假人於  
越以救溺子之說也瓚非紹敵終為所

集覽

牙門牙旗名也

古者軍行則建立牙於軍門尊者所在後人因以所  
治為牙真人水鏡經曰凡軍初出立牙竿必令完堅  
若有折損將軍不利牙門旗竿軍之精也即周禮  
軍旅會同置旌門是已紹家句絕謂袁紹妻子

夏四月王允使中郎將呂布誅董卓詔允錄尚書事以

布為奮威將軍共秉朝政

董卓以其弟晏為左將軍兄子璜為中軍校尉皆典兵事宗族內外並列朝廷侍妾懷抱中子皆封侯美以金紫車服僭擬召呼三臺尚書以下詣府啓事築塢於鄆高厚皆七丈積穀三十年儲自云事成雄據天下不成守此足以畢老卓志於誅殺諸將言語有蹉跌便戮於前人不聊生司徒王允與司隸校尉黃琬僕射士孫瑞密謀誅卓中郎將呂布便弓馬膂力過人卓愛信之誓為父子然卓性剛褊嘗小失卓意卓拔手戟擲布布拳捷避之卓意亦解允素善待布布見允言狀允因以誅卓之謀告之使為內應布曰如父子何曰君自姓呂本非骨肉擲戟之時豈有父子情邪布遂許之四月帝有疾新愈大會未央殿卓朝服乘車而入陳兵夾道屯衛周匝令呂布等捍衛前後王允使士孫瑞自書詔以授布布令勇士十餘

人偽著衛士服守北掖門卓入以戟刺之卓衷甲不  
入傷臂墮車顧大呼曰呂布何在布曰有詔討賊臣  
應聲持矛刺卓趣卓斬之即出懷中詔版以令吏士  
曰詔討卓耳餘皆不問吏士皆稱萬歲百姓歌舞於  
道士女賣衣裝市酒肉相慶宗族在郡皆為其羣下  
所殺暴卓屍於市卓素充肥守吏為大姓置臍中然  
之光明達曙如是積日塢中有金二三萬斤銀八九  
萬斤錦綺奇玩積如丘山以王允錄尚書事呂布為  
奮威將軍假節儀比三公封溫侯共秉朝政卓之死  
也蔡邕在王允坐聞之驚歎允勃然叱之曰董卓國  
之大賊幾亡漢室君為王臣所宜同疾而懷其私遇  
反相傷痛豈不共為逆哉即收付廷尉邕謝曰身雖  
不忠願黥首刖足繼成漢史太尉馬日磾謂允曰伯  
喈曠世逸才多識漢事當續成後史為一代大典而  
所坐至微誅之無乃失人望乎允曰昔武帝不殺司  
馬遷使作謗書流於後世方今國祚中衰戎馬在郊



不可令佞臣執筆在幼主左右既無益聖德復使吾黨蒙其訕議日碑退而告人曰王公其無後乎善人國之紀也制作國之典也滅紀廢典其能久乎邕遂死獄中初黃門侍郎荀攸尚書鄭泰侍中种輯等謀曰董卓驕恣無親雖資彊兵實一匹夫耳可直刺殺也事垂就而覺收繫獄會卓死得免

**集覽**

美

金紫美戲金章紫綬也謂懷抱中小兒皆封侯故云美士孫瑞姓士名孫瑞拳捷拳壯勇也捷便疾也詩無拳無勇注拳力也衷甲衷懷也貫甲於衣之內也春秋傳曰子木衷甲以禍人詔版注見靈帝建寧元年假節假去聲奮威將軍本無節今以節假之者欲以重其威也節注見靈帝熹平六年溫侯溫注見周赧王二

**正誤**

士孫瑞今按後漢書王允傳士孫瑞字

益複姓也魏有樂

**質實**

築塢於鄆說文塢壘壁也一陵太守士孫德祖

曰庠城服虔曰營居曰塢亦

作隴郿縣名注見靈帝中平六年一統志云郿塢在鳳翔府郿縣東北一十里漢末董卓封郿侯據此築塢積穀徙金銀雜物於其內呂布九原人

### 書法

書使何歸功允也是故呂布之誅董卓書王允使田神功之敗朝義書光弼使皆歸功其

工者也誅例有二書伏誅者重辭也直書誅者快辭也綱目書廢君而弑之者二十賊討者四書弑

君者七十三弑書殺者八賊討者二十六蓋什得其二三焉亂豈有極哉詳周赧王五年

### 發明

卓身負大逆蕩覆帝室罪不容誅然當時諸臣環視四顧無有能討之者惟王允潛布腹心克殄元惡故綱目書允使呂布誅董卓其歸功於允彰彰明矣豈以其不終之故而遂泯其實乎

## 黃巾寇兗州殺刺史劉岱曹操入據之自稱刺史

青州黃巾寇兗州劉岱欲擊之濟北相鮑信諫曰今賊衆百萬百姓皆震恐士卒無鬪志不可敵也然賊軍無輜重唯以鈔畧為資今不苦畜士衆之力先為固守彼欲戰不得攻又不能其勢必離散然後選精銳據要害擊之可破也岱不從遂與戰果為所殺曹操部將陳宮謂操曰州今無主而王命斷絕宮請說州中綱紀明府尋往救之資之以收天下此霸王之業也宮因往說別駕治中迎操領兗州刺史賊衆精悍操兵寡弱操撫循激勵明設賞罰乘間設奇晝夜會戰戰輒禽獲賊遂退走鮑信戰死操追至濟北悉降之得卒三十餘萬收其精銳號青州兵詔以金尚為兗州刺史將之部操逆擊之尚奔袁術

綱紀注見宋文質實濟北國名注見帝元嘉元年楚義帝元年

書法

於是詔以金尚為兗州刺史操逆擊之尚奔袁術書據書自稱綱目之於操可見矣

集覽

李傕郭汜等舉兵犯關殺司徒王允呂布走出關

初呂布勸王允盡殺董卓部曲允曰此輩無罪不可布欲以卓財物班賜公卿將校允又不從允素以劍客遇布布負其功勞多自誇伐既失意望漸不相平允性剛稜疾惡初懼董卓故折節下之卓既殲滅自謂無復患難頗自驕傲以是羣下不甚附之允始與士孫瑞議特下詔赦卓部曲既而疑曰部曲從其主耳今若名之惡逆而赦之恐適使深自疑非所以安之也乃止又議悉罷其軍或說允曰涼州人素憚袁氏而畏關東今若一旦解兵開關必人人自危可以皇甫義真為將軍就領其衆因使留陝以安撫之允曰不然關東舉義兵者皆吾徒也今若距險屯陝雖安涼州而疑關東之心不可也時百姓訛言當悉誅涼州人卓故將校遂轉相恐動皆擁兵自守李傕等還至陝遣使詣長安求赦不得傕等益懼欲各解散

間行歸鄉里校尉賈詡曰諸君若棄軍單行則一亭長能束君矣不如相率而西以攻長安為董公報仇事濟奉國家以正天下若其不合走未後也惟等然之乃相與結盟率軍數千晨夜西行隨道收兵比至長安已十餘萬與卓故部曲樊稠李蒙等合圍長安城城峻不可攻守之八日呂布軍有叟兵內反引惟眾入城放兵虜掠呂布與戰不勝將數百騎駐馬青瑣門外招王允同去允曰若蒙社稷之靈上安國家吾之願也如其不獲則奉身以死之朝廷幼少恃我而已臨難苟免吾不忍也努力謝關東諸公勤以國家為念太常种拂戰死催汜屯南宮掖門王允扶帝上宣平門避兵催等於城門下伏地叩頭曰董卓忠於陛下而無故為呂布所殺臣等為卓報讎非敢為逆也請事畢詣廷尉受罪圍門樓共表請王允出問太師何罪允窮蹙乃下見之催等收司隸黃琬殺之王允以宋翼為馮翊王宏為扶風催等欲殺允乃先

徵翼宏宏遣使謂翼曰汜催以我二人在外故未危  
王公今日就徵明日俱族計將安出翼曰雖禍福難  
量然王命所不得避也宏曰關東義兵鼎沸欲誅董卓  
今若舉兵共討催等與山東相應此轉禍為福之  
計也翼不從宏不能獨立遂俱就徵催收允及翼宏  
并殺之屍王允於市莫敢收者故吏趙戩棄官收葬  
之呂布自武關奔南陽袁術待之甚厚布恣兵抄掠  
術患之布不自安去從張楊於河內催等購求布急  
又逃歸袁紹既而復歸張楊始允自專討卓之勞士  
孫瑞歸功不侯故得免於難司馬公曰易稱勞謙君  
子有終吉士孫瑞有功不伐  
**集覽**  
剛稜稜盧登反威也字亦作稜前書  
李廣傳威稜幢乎降國注李奇曰神靈之威曰稜  
兵兩漢傳聞曰叟兵即蜀兵也漢代謂蜀曰叟掖門  
韋昭曰宮中小門在正門之旁者如左右之掖宣平  
門三輔黃圖云長安都城十二門東出北頭第一門

曰宣平民間賈實陝縣名注見周顯王四十五年賈  
所謂東都門賈實詡武威人种拂河南雒陽人嵩之  
子

發明

以當時言之惟汜之變激於允之不能容使  
允能從或者之議以皇甫嵩就領其衆不然

因其求赦而赦之亦足少安反側之心未必召禍  
如是之烈然綱目於此畧無咎允之意何哉允身  
為大臣密謀討賊不動聲色使弑逆之虜一旦斃  
滅其有功於漢多矣天若祚漢必無反覆之理不  
幸漢德告終逆黨復出故允身惟不測之禍而漢  
亦隨之此則天之所廢非特人謀不善之失也綱  
目書惟汜舉兵犯闕則見逆賊反叛之罪書殺司  
徒王允則見允無罪見殺死於其位之節然則愆  
惡勸善之義知有逆順而不知有成敗也豈不嚴哉

秋七月遣太傅馬日磾太僕趙岐和解關東

書法

書和解關東何譏也天子者是非曲直之主也關東諸將舉兵相攻其是非曲直必有在

矣不能分辨而匡直之乃遣大臣持節和解甚矣其不振也直書譏之終綱目書遣使和解二年

唐昭宗乾寧三年皆衰世也

○九月李傕郭汜樊稠張濟自為將軍

傕汜稠兇朝政濟出屯弘農

以馬騰為將軍屯郿

董卓入關召韓遂馬騰以圖山東至會賢實郿縣名卓死傕等皆以為將遣遂還留騰屯郿



帝中平六年

冬十月以劉表為荊州牧○曹操遣使上書

曹操辟毛玠為治中從事玠言於操曰今天下分崩  
乘輿播蕩生民廢業饑饉流亡公家無經歲之儲百  
姓無安固之志難以持久夫兵義者勝守位以財宜  
奉天子以令不臣修耕植以畜軍資如此則霸王之  
業可成也操納其言遣使詣河內太守張楊欲假塗  
西至長安楊不聽董昭說楊曰袁曹雖睦勢不久羣  
曹今雖弱然實天下之英雄也宜通其上事并表薦  
之若事有成永為深分楊從之昭乃為操作書與催  
汜等致殷勤催汜議留操使黃門侍郎鍾繇說曰方  
今英雄並起各矯命專制唯曹兗州乃心王室而逆  
其忠款非所以副將來之望**集覽**深分分扶問反交  
也催汜從之繇皓之曾孫也

古由字質實

毛玠陳留平丘人董昭濟  
或音宙質實陰人鍾繇潁川長社人

# 徵朱儁為太僕

陶謙與諸守相共奏記推朱儁為太師因移檄收伯  
欲以同討李傕奉迎天子會李傕用尚書賈詡策徵  
儁入朝儁乃辭譙議而就徵復為太僕范曄曰皇甫  
嵩朱儁並以上將之畧當倉卒之時而舍捨天之  
業蹈匹夫之小諒卒狼狽虎口為智士集覽狼狽  
笑豈天之長斯亂也何智勇之不終乎集覽似犬頭  
銳頰白高前廣後狹亦狼屬生子或欠一足二者相  
附而行離則蹢也故人猝遽無措謂之狼狽神異經  
曰狼無前足附狼而行故曰狼狽

## 發明

儁前唱義討賊功雖不就志亦可嘉今傕汜  
暴亂劫制朝廷於是諸守相共推儁為主使

焉能因此糾率同盟力扶王室豈不甚美顧乃佞  
首以就李傕之召何耶且傕尚能移檄討卓又何  
畏於傕況哉綱目書召傕為太僕文無貶詞然是  
時刺命出於傕則傕之就召其屈身從可知矣  
忠智俱失貽譏千古是果誰之咎歟

癸酉四年春正月朔日食○袁術進兵封丘曹操擊破之  
術走壽春自領揚州事

術為劉表所逼進兵北向為曹操所破走歸逐所置  
揚州刺史陳瑀據壽春領州事李傕欲術為援以為  
左將  
質實封丘縣名注見唐僖宗中和四年揚州刺  
軍  
史東漢所置治壽春領廬江九江會稽丹  
陽豫章六安六郡注  
見泰王政四年壽春

袁紹以其子譚為青州刺史

袁紹與田楷連戰二年士卒疲困糧食並盡互掠百姓野無青草紹以其子譚為青州刺史楷與戰不勝會趙岐來和解贊乃與紹和親各引兵去

三月魏郡兵與黑山賊于毒等共覆鄴城質實

一統志云鄴城

在彰德府臨漳縣西二十里本戰國魏之鄴邑三國魏後趙前燕東魏皆都於此又注見建安十五年

書法

書寇陷多矣未有書覆者書曰覆鄴城士民之塗炭甚矣綱目寇陷書覆一而已

以陶謙為徐州牧考異

以上漏園子

徐州治中王朗勸刺史陶謙遣使奉貢故有是命仍以朗為會稽太守

質實

王朗東海人會稽郡

名注見和帝  
永元元年

夏六月大雨雹○華山崩裂實實

一統志云華山在西  
安府華陰縣南一十

里即西嶽也白虎通云西方太  
陰用事萬物生華故曰華山

書法

華山何西嶽也前書岱山裂矣桓帝延熹四  
年裂異也未若崩且裂之甚也是故書華山

崩而漢亡書恒山崩而晉亡安帝義熙五  
年皆帝業所由起也終綱目嶽崩者二

○袁紹擊于毒左髭大八等皆斬之○秋曹操擊徐州

陶謙走保郯

前太尉曹嵩避難在琅邪其子操迎之嵩輜重百餘  
兩陶謙別將守陰平掩襲嵩於華費間殺之秋操引

兵擊讎攻拔十餘城至彭城大戰謀敗走郟徠坑殺男女數十萬口於泗水攻郟不克乃去攻破城邑皆屠之雞犬亦盡

**集覽**

琅邪今益都路沂州本漢琅邪國虛邑無復人行

古琅邪地陰平城名在邳州蘭陵縣今陰平村是華費二縣俱屬東海郡華胡化反費音秘正義曰費或

音扶味反今沂州費縣是彭城注見秦始皇二十八年郊注見秦二世二年墟邑墟本作虛前書賈誼策

社稷為虛又詩定之方中篇賈實曹嵩沛國譙人中升彼虛矣朱氏曰虛故城也

統志云陰平漢之縣名屬東海郡晉廢之故城在淮安府沐陽縣西北六十里費漢之縣名屬東海郡東

漢屬泰山郡晉屬琅邪國後魏徙治縣北陽山口隋初徙治祊城屬沂州後廢唐復置宋金元仍舊名國

朝因之屬兗州府琅邪郡名注見新莽天鳳四年泗水注見秦始皇二十八年

冬十月地震○有星孛于天市○大司馬劉虞討公孫

瓚不克見殺考異

按分注虞與瓚積不相能虞遣使奉章陳其暴掠之罪瓚亦上虞稟糧不

周二奏交馳互相非毀朝廷依違而已詳考事情瓚非叛賊之比難以討書又按興平二年書虞子和攻公孫

瓚不書討

虞與瓚積不相能虞遣使奉章陳其暴掠之罪瓚亦上虞稟糧不周二奏交馳互相非毀朝廷依違而已瓚乃築小城於薊城東南以居虞恐其終為亂乃率兵十萬討之時瓚部曲放散在外倉卒掘城欲走虞兵無部伍不習戰又愛民廬舍不聽焚燒戒軍士曰無傷餘人殺一伯珪而已攻圍不下瓚乃簡募銳士數百人因風縱火直衝突之虞衆大潰瓚執虞會詔遣使者段訓增虞封邑瓚乃誣虞前與袁紹等謀稱

尊號脇訓斬虞及妻子於薊市傳首京師故吏尾敦  
於路劫歸葬之虞以恩厚得衆心北州流舊莫不痛  
惜初虞欲遣使奉章詣長安而難其人衆咸曰右北  
平田疇年二十二年雖少然有奇才虞乃備禮請以  
為掾而遣之疇選家客二十騎循問道至長安致命  
詔以為騎都尉不受得報馳還比至虞已死疇謁祭  
虞墓陳發章表哭泣而去瓚怒購求獲疇謂曰汝不  
送章報我何也疇曰漢室衰頽人懷異心惟劉公不  
失忠節章報所言於將軍未美恐非所樂聞故不進  
也且將軍既滅無罪之君又讎守義之臣疇恐燕趙  
之士將皆蹈東海而死莫有從將軍者也瓚乃釋之  
疇北歸無終率宗族及他附從者數百人掃地而盟  
曰君仇不報吾不可以立於世遂入徐無山中營深  
險平敞地而居躬耕以養父母百姓歸之數年問至  
五千餘家疇謂其父老曰今衆成都邑而莫相統一  
又無法制以治之恐非久安之道疇有愚計願與諸



君共施之可乎皆曰可疇乃為約束相殺傷犯盜誣訟者隨輕重抵罪重者至死凡三十餘條又制為婚姻嫁娶之禮興學校講授之業班行於眾眾皆便之至道不拾遺北邊翕然服其威信烏桓鮮卑各遣使致饋遺疇悉撫

集覽

能積不相能注見武帝元朔五年伯珪公

納令不為寇

孫瓚表字尾敦姓名也劉虞故吏流舊流寓之故舊

蹈東海而死此戰國趙策魯仲連語也注見齊高帝

建元元年無終注見漢王劉邦元年徐無山括地志

云山在今平州盧龍縣之北白檀山之南間至屬下

句間猶言近也謂近間來附從者至五千餘家也為

約束案韻會約字下注以言語要結戒令檢束皆曰

約束

正誤數年間至五千餘家今按間字當屬上句質

實

薊城注見帝玄更始二年一統志云劉虞墓在順天府涿州治東三十里無終漢之縣名屬右北平

元魏屬漁陽郡後省唐復置屬幽州後改為玉田縣  
因漢陽雍伯種石得玉故名神龍初屬營州後還屬  
幽州又改屬薊州五代至遼仍舊宋為經州金復為  
玉田縣元仍舊名國朝因之屬順天府徐無山在順  
天府玉田縣東北二十里開山圖云山出不  
灰之木生火之石後漢田疇嘗避難於此

**書法**

得書之殺未有書見殺者書見殺不以下加  
上之辭也綱目之修名分  
而已矣終綱目書見殺一

**發明**

書大司馬則見不失其官書討公孫瓚則見  
有詞可執書不克見殺則見死不失節蓋瓚

本受虞節度而乃暴橫抗拒虞興  
兵討之名義甚正故其書法如此

十一月地震

御批資治通鑑綱目卷十二下